

歷代史論

二編七八

十



庫	文	閣	內
元	九	漢	
一	元	書	
二	二		
四		架	冊
		號	類

內閣文庫	
番號	漢 9292
冊數	10 (9)
函號	297 180






歷代史論二編卷之七

婁東張溥西銘著

周伐齊

周齊爭宜陽附

齊。洋。之。時。周。人。畏。齊。齊。湛。之。時。齊。人。畏。周。河。清
二。年。周。師。及。突。厥。逼。晉。陽。王。欲。出。走。趙。郡。王。獻
河。間。王。孝。琬。叩。馬。諫。乃。止。既。而。段。韶。斛。律。光。奮
銳。挫。敵。周。師。數。敗。楊。檟。勝。兵。開。關。出。降。王。雄。勁
將。一。矢。立。斃。使。齊。王。遽。播。越。安。能。收。後。效。若。此
哉。段。榮。起。家。武。威。斛。律。金。著。聲。勅。勒。兩。人。皆。從



淺草文庫



齊高歡經百戰功最高。韶與光俱將門子。建武略當時齊臣。智勇鮮敵。趙用李牧。北翦胡寇。西却強秦。其斯人與周兵。雖盛何敢與爭。然有宇文憲。韋孝寬。楊忠等在。比權量力。勢不相下。彼勝此敗。何謂也。宇文護母姑沒齊。遣使訪求。齊人歸之。舉朝稱慶。護不德齊。制於突厥。反尋干戈。背恩不祥。宜其敗也。然項王以太公歸漢。王漢王不解兵卒。殺項王。有天下。後世不譏其負義。以此罪護。豈心服乎。乃齊數未盡。賢人尚存。護逆當死。昊天不祐。孫皓雖暴。陸抗不死。吳國不亡。齊之謂也。曹操雖強。終身漢賊。辱於孫劉。護之謂也。宇文泰有事山東。請魏主廢乙弗后。納柔然頭兵女。護欲借突厥攻齊。則迎木杆可汗女。妻周武母。中國婚姻。蠻夷仇讎。隣壤作春秋者。尤深惡諸。

吐谷渾盛衰

吐谷渾。若洛廐。皆鮮卑。涉歸子。二部馬鬪。兄弟
責言。東西遂分。阿干之歌。哀思骨肉。傳之子孫。
爲輦後。鼓吹大曲。其亦詩人常棣之義乎。葉延
痛念父讎。縛草泣射。碎奚憂傷三弟。避位而死。
視連感父悲隕。不遊娛酣宴者十五年。阿豺舍
子立弟。折箭戒後。勉以戮力一心。共固社稷。咸
誠心爲本。孝友世承。中國之君。尚或愧之。劉彧。
蕭繹。死不食餘矣。阿豺并兼氐羌。地方數千里。

居沙州。號強國。常登西強山。觀墊江源。見水東流。慨思朝宗。乃遣使入宋。獻方物。封澆河公。是通諸夏之始也。慕瓚歸魏。禽赫連定。送京師。太武策爲西秦王。魏公卿議論矜大。謂小白賜胙。重耳受田。塞外小國。封賞宜。斬其後。貢獻頗闕。此妄以天王自待。而徒失遠人之心也。慕利延殺緯代。叱力延等出逃。魏詔晉王伏羅討之。遂奔于闐國。樹洛干子拾寅立。數傳當隋。嵬王訶叛。父歸命。文帝拒以大義。乃止。國以孝弟始者。

反以大逆。終夷族。擾擾失。豈在詒謀哉。吐谷渾西走以來。賢而強者。莫若阿豺。暴大而久於位者。莫若夸呂。啟土則氏建。公孫雄盛。則君稱可。汗強弱之際。可以觀世。卽中國禮樂之鄉。先王仁義之化。傳及百年。不能無變。必欲責鮮卑。有治無亂。其道誠難。抑論祖先立國。則賢於朱蒙等遠矣。

周滅齊

趙。高。教。胡。亥。肆。志。寵。樂。和。士。開。說。齊。湛。縱。橫。取。
快。百。世。而。下。其。術。同。符。若。祖。珽。進。計。欲。上。禪。位。
東。宮。始。稱。極。貴。則。振。古。未。聞。也。高。氏。以。豪。俠。起。
北。邊。世。無。令。德。歡。演。篡。弑。澄。洋。淫。暴。魏。鼎。遽。遷。
桀。宋。無。恙。人。方。謂。徼。天。過。厚。惠。逆。吉。凶。理。有。未。
信。又。甚。以。武。成。繼。極。惡。等。文。宣。河。南。河。間。樂。陵。
諸。王。無。罪。而。殞。群。小。朋。昏。牆。茨。不。掃。及。身。而。斃。
逸。罰。猶。譏。況。太。子。不。肖。無。故。禪。立。嬖。媼。擅。定。策。

之功優笑獻推戴之力宮車未晚而新君受朝
太上方壯而元子南面是則桀紂同宮幽厲並
國上下爲戲勢不終朝周人起而乘之豈特武
王觀兵沛公入關而已趙煦鮑宏請從河北直
指太原其策若行周師一出齊可立定猶更需
後舉假以歲月者此周武之不斷非齊人之善
守也斛律光死齊久無人晉陽城陷驛馬不達
韓高握槊馮妃獵圍周師既逼開陣合戰婦人
唱走未敗而逃后服方至中途齊國已非王有

安德王延宗患難權立奮身死戰東門之役周
武幾縛不意鳴角還兵醉人不整力屈被擒敗
非其罪以劉謚哭廟之忠負子嬰素車之辱豈
非天乎王緯棄平陽走鄴繼又棄鄴走青州顛
沛無策唯有逃遁然遷國不再身將安歸孝珩
徙出滄州苟子溢縱暴鄴境時最危急尚猜忌
忠戚放縱宦官死而不悟夫復何言廣寧任城
共謀匡復爲憲所執趙穆等迎立范陽敗奔突
厥挽覆舟於中流起死人而肉骨宜其難也齊

緯窮戚。禪於子恒。厥父覆轍。躬亦效之。八歲之兒。亦蒙帝號。而死悲哉。

楊堅篡周

隋公堅相貌非常。有人君之表。宇文憲王軌勸周武帝蚤除之。不果。後竟篡周。為天子。王衍不殺石勒。卒亂晉室。至今恨之。然周武之世。堅跋扈未形。殺之無名。且有天命在焉。能殺也。天元昏虐。君臨踰年。即禪位于大子闡。夫魏弘禪子。宏而身弒。齊湛禪子緯。而國亡。太上不祥。前車非遠。天元不念禍亂。尊高自擬。身為王者之父。志窮四海之欲。五后並立。天杖酷行。憲軌孝伯。

等誅死。而忠賢盡鋤。趙陳越代。滕諸王就國。而根本不固。驟疾病瘖。嗣主幼冲。鄭譯劉昉。遂謀戴堅。此皆狡諂小人。不足多怪。獨李德林。齊朝宿望。周武尊禮。隆重。謂其人在天上。瑞愈鳳麟。而願死奉逆。贊堅陰謀。華歆楊愔。二賊肉腥。豈足食哉。尉遲迴。累葉貴戚。地居形勝。憤堅逆亂。投袂稱兵。仗義疾呼。何往不克。韋叔裕。李穆等。不知大義。助堅為敵。黃龍兵敗。擲弓罵賊。迴歸地下。軍士坑屠。翟義不辭粉族。諸葛誕。甘心碎。

首莽昭之世。天地君臣。賴此不滅。事雖不成。何可少也。趙王招圖。堅杯酒徘徊不成。元胄扶堅下牀。自謂勇等鴻門。然比之黃沛。其功狗耳。楊后麗華。柔婉不忌。周旋暴君。接御婢嬪。有衛風碩人之德。後知父異圖。不平憤惋。堅欲奪其志。以死相誓。黃皇室主。稱疾不朝。山陽夫人。抵璽軒下。外戚亂賊。類有賢女。婦人內夫家。外父母家。天生三后。所以不辱漢周。抑亦發逆臣之恥。維三綱之絕也。

此處為書中正文，因紙質陳舊，文字極其模糊，難以辨認。

始興王謀逆

新安王伯固。文帝第五子。始興王叔陵。宣帝第二子也。兩人素不協。鮮天親之愛。然伯固善言論。輕率嗜酒。好鞭箠。叔陵少機辯。強梁嚴刻。性相似也。骨肉宗戚。理無親疎。獨情好。應求。又各有類賢者。邇賢不肖者。狎不肖。周召同功。管蔡並亂。其大致也。大建時。叔陵用事。伯固諂附。彼所親近。非以諸父昆弟。篤念不忘。直劫于勢位。向炎而趨。又叔陵好發塚。伯固挾弓矢。好射雉。

兩○人○入○則○登○朝○堂○侮○耆○老○出○則○行○田○野○縱○椎○埋○其○視○殺○人○放○君○如○菹○戲○飲○酒○聊○復○爲○之○無○害○也○宣○帝○不○豫○太○子○叔○寶○當○立○叔○陵○侍○左○右○忽○抽○藥○刀○爲○弑○逆○無○平○日○約○束○之○謀○內○外○資○助○之○力○而○僥○倖○鉛○鈍○賊○傷○人○主○此○蓋○身○爲○莽○何○羅○擊○漢○帝○殿○上○觸○寶○瑟○立○僵○而○叔○堅○奪○刀○指○袖○其○功○則○金○日○磔○也○雲○龍○突○走○白○帽○招○呼○叔○陵○跳○躍○勢○僅○一○夫○伯○固○不○度○利○害○單○馬○馳○赴○助○其○指○揮○及○四○門○既○閉○蕭○摩訶○兵○來○啜○其○泣○矣○何○嗟○及○矣○宣○帝○四

十○二○男○惟○岳○陽○王○叔○慎○知○大○義○有○漢○北○地○王○謀○之○烈○次○則○長○沙○王○叔○堅○搯○始○興○拔○太○子○兄○弟○急○難○勤○勞○在○原○然○醮○祀○日○月○衣○服○木○人○亦○鮮○令○終○雖○史○云○詛○祝○上○書○皆○孔○範○管○斌○施○文○慶○等○爲○之○抑○以○驕○召○忌○繇○自○取○也○西○省○見○囚○涕○泣○陳○對○欲○死○見○叔○陵○責○彼○泉○下○叔○寶○哀○而○赦○之○乙○卯○之○功○不○能○受○福○猶○可○免○死○叔○寶○豈○忍○人○哉○史○又○云○叔○堅○酒○家○婢○子○性○頗○使○酒○爲○兄○弟○所○憚○初○與○叔○陵○招○賓○客○爭○寵○不○平○朝○位○鹵簿○不○肯○先○後○左○右○爭

道。鬪。其。後。奮。縛。叔。陵。似。發。宿。嫌。非。忠。國。主。然。叔。寶。在。東。宮。伯。固。善。嘲。噓。甚。親。狎。叔。陵。心。害。其。寵。將。中。以。法。既。懽。相。得。願。同。死。何。也。兇。殘。性。類。始。隙。而。終。合。一。見。之。宋。劭。濬。再。見。之。陳。伯。固。叔。陵。矣。

隋滅陳

江南亡國之君。陳後主與宋齊同譏。抑考行事。不若是甚也。宋亂於子業。亡於蒼梧。齊亂於昭業。亡於東昏。凡兩更無道。國祚始絕。陳則武帝以下。鮮聞凶德。後主性好文酒。狎昵婦人。其最不道者。在於殺傅縡。章華。至瀆亂天倫。誅滅宗戚。則未然也。國亡入隋。願乞官號。平居嗜驢肉。與子弟日飲酒一石。終於洛陽。享年五十有二。其所為近於頑鈍無恥。雖繇此失國。身亦因而

得全劉禪東遷。不思岷蜀。孫皓泥首。賜爵歸命。二主皆無人心。然禪愚。皓詐。禪辱。皓忍。所爲亦小有殊。宋昱齊寶卷。皓之流也。陳後主叔寶。禪之流也。隋伐江南。人人言克。抑而不聞。大言無懼者。獨施文慶。沈客卿。江總。孔範等耳。周師入齊。馮淑妃猶翫粉鏡。急而用兵。大抵非荒主所樂。陳後主日夜同八婦人。十狎客。劈牋製詩。麗服酣飲。風流自命。甚於無愁。天子一旦戎服對敵。左右勞苦。無異桎梏。或臨衆大笑。或腹煩欲

決。大師在前。童心如故。彼但冀早釋于戈。幸自寬勝。敗非所計也。任蠻奴始請固守臺城。緣淮立柵。精兵金翅。徑掩六合。其策誠善。主不能從。後竟背而降隋。引韓擒虎軍入朱雀門。是雖憤言不見信。計出反覆。然江南旣亡。任瓌猶勸王勇立。陳氏子孫。此非蠻奴弟子。與門庭以內。一忠一逆。何懸殊也。岳陽王叔慎。刑牲誓師。不望青門。高涼洗太夫人。保境拒守。捧書慟哭。宗王抗北地之節。婦人明霍弋之義。而長城喜笑。

漢安樂亦無可如何也

隋易太子

獨孤伽羅周衛公信女信奇隋文狀貌乃妻之。後竟為皇后。單父呂公善相女婚劉季。遂啟漢室事。適然也。文帝與后相得。誓無異生子。太子勇。晉王廣。秦王俊。蜀王秀。漢王諒。皆其所生。五子同母。少長咸序。謂可百世無患。乃秦王死。最蚤。疾繇妃崔氏。帝徵還京師。責其失德。免冠就第。臨死。僅哭數聲。祭以鹿脯。父子天性薄。何若是。開皇二十年六月。秦王俊卒。冬十月。太子勇

廢楊素陰陽之術險於趙高姬威羅織之文毒於陳舞英君察后昏而不覺遂至兒女譖愬至尊流涕飲食媠褻宮禁爲獄帝固鑒高歡縱子不知其惑甚歡也蜀王無罪廣素間之華山偶人寃同漢戾帝責彼十罪幽於內省獠婢給役瓜子不見可謂窮矣煬廣弒立漢王起兵羊羔首背咎徵甚顯晉陽窮蹙絕屬幽死爲時幾何諸子安在跡彼終始惟秦王蠱傷妬妃爲虐其他死廢皆成於廣文帝皇后愛其老醜給事樂

器塵埃後庭無子屏帳不飾稱爲德器孰知窮奇飾詐外結朝臣內通婢姥東宮無鳩毒之謀而謗成貝錦藩房無西岳之祝而誣極鬼神此蓋玩父母於股掌而欲速取償於天下也獨孤性忌後宮希進御者文帝悅尉遲迴女孫后卽殺之帝怒奔山谷嫉妬之害其所身嘗獨不可爲太子勇雲昭訓寬乎后年五十九崩帝始近聲色陳宣華蔡容華皆有寵後俱見逼於廣彼遠女謁者節不固於老耄而僞恭敬者亂獨流

於天親父子交譏後悔何及高頰妻死其妾生男諸王朝士妾或有娠於后無與也必嫉而斥之既妬其夫復妬其子既妬其君復妬其臣后年有盡后妬無窮不舉天下殉之曷止乎

突厥朝隋

突厥者匈奴別種世傳其先為狼生有牝狼十男各為一姓泥師都二妻一孕四男之說微近誕妄要其種最荒賤阿史那以五百家奔蠕蠕世居金山之陽為鐵工堯鞞突厥號所繇始也土門強盛求婚蠕蠕阿那瓌詈辱之遂與魏婚妻長樂公主西海獸裔柔然羞言婚媾中國降女舉朝不慚其辱視漢妻冒頓尤甚土門既稱可汗其後木杆强大日熾周齊敵國咸結為援

舉足左右繫其安危。他鉢無禮，呼爲在南兩兒。周千金公主，趙王招女也。始妻他鉢，繼妻沙鉢略。最後妻都藍，夷狄之俗，世妻國母，因循罔忌。公主，華人，獨無媿乎。觀其哀痛，周亡題詩，屏風始終怨隋，不忘宗祀。至今讀皇家飄流之詞，猶有申胥復讎之志。彼遇等明妃，身從胡亥，寧得已哉。安遂迦事發，突利構而殺之。累世喪節，不免淫死。南越呂嘉殺樛太后，特以安國少季爲名，非心誅亂也。長孫晟善彈工射，好奇計，務立

功名。隋文少所器異，繼副宇文神慶送公主至突厥，與處羅侯結心腹，得國中要領。後遂設策携貳，招其主爲隋藩臣。季晟奇略，鄭吉不如中行說等死，豈足贖哉。阿波可汗，木杆之子。達頭可汗，沙鉢略從父也。晟欲圖沙鉢略，先結達頭。阿波阿波戰敗，說之入朝。其母爲沙鉢略所殺，遂身奔達頭。貪汗地勒察，咸附之。盡與沙鉢略敵。沙鉢略乃窮而歸隋。此文帝之所以頒曆受朝也。莫何，沙鉢略弟。都藍，其子也。沙鉢略舍子

立弟。弟死。子復得立。蠻夷授受有天。存焉突利者。莫何子也。妻以宗女。使間都藍。都藍達頭襲之。戰敗南走。晟邀之入朝。爲啟民可汗。都藍被殺。達頭迎降。啟民益大。樂爲隋臣。此煬帝之所。以幸。帳賦詩也。夷狄宗族日相屠翦。爲中國所。愚反見德。願效死。蘇張縱橫功。皆繇晟然。晟始不爲媵臣。亦安能深入蠻中。陰陽離合乎。繇此言之。千金公主亦隋室功臣也。

隋討高麗

高麗之釁。始於裴矩。當時突厥啟民入朝。車駕千里。煬帝親幸廬帳。索辦擊肉。韋韞獻酒。中國之威。雄於渭橋。二三佞臣。謂強夷稽顙溝瀆。小醜望風景附。無煩鞭箠。不意其禍生所忽。敗乃躡垤也。魏孝文時。高麗王璉革心恭順。年百餘歲死。爲舉哀東郊。其孫雲事宣武。尤謹。土毛不愆。侍子敬職。彼奉大國。久度不無禮於隋。且齊洋王國。崔柳出使。求魏末流人。高麗王成應對。

少慢。柳張目怒叱。擊墮牀下。左右雀息不敢動。遂挈五千戶歸報命。偏安竊伯恫喝所及趨款。恐後隋混一富強三倍於齊戰馬百萬一呼雲集。高句麗箕子舊封武力遜於諸夷嚴兵分下肉袒出迎其執宜然顧困獸求鬪雖小毒也聚天下之兵頓於一城轉萬里之粟輸於窮海高麗為主隋人為客彼勞此逸執百懸殊夫曹操赤壁苻堅淝水咸以兵多致敗未有旌旗鼓角巨千有餘里水陸淹留連營阻險師行絕域今

稟中朝觀望戰鬪得完者也。九軍渡遼三十萬五千得還者二千七百人耳。明珠彈雀有喪無得人君慎毋以敵強而棄國寇小而玩師彼威驅朔野之雄力窮手掌之地一蹶而憤再蹶而懼煬帝雖豪能更大帳賦詩薄漢天子哉乙支文德詣營詐降于仲文縱而不執來護兒兵捷卑奢城將趣平壤詔忽召還論者恨其坐失機會然即使獲勝時叛時服猶足遠敵中國淮南王諫伐南越庾質郭榮得其指矣

楊廣亡隋。與胡亥亡秦。後世同譏。二主性皆不
仁。廣尤矯飾。顧其悖逆天紀。屠戮骨肉。行事多
相類。扶蘇矯詔自殺。十二公子死咸陽市。十公
主死杜。將閭昆弟。呼天拔劍。子高死。願葬驪山。
足書曰。自作孽。不可活。亥惡貫盈。亡秦者胡。蓋
繇於此。隋太子勇廢為庶人。升樹叫呼。不得一
見文帝。及抵牀。遣追。反速之死。十男毒殺。竟無
存者。天生兄弟。分形共氣。平居順齒。患難在原。

楊帝亡隋

楊廣亡隋。與胡亥亡秦。後世同譏。二主性皆不
仁。廣尤矯飾。顧其悖逆天紀。屠戮骨肉。行事多
相類。扶蘇矯詔自殺。十二公子死咸陽市。十公
主死杜。將閭昆弟。呼天拔劍。子高死。願葬驪山。
足書曰。自作孽。不可活。亥惡貫盈。亡秦者胡。蓋
繇於此。隋太子勇廢為庶人。升樹叫呼。不得一
見文帝。及抵牀。遣追。反速之死。十男毒殺。竟無
存者。天生兄弟。分形共氣。平居順齒。患難在原。

兄爲天子弟爲藩臣人倫榮遇情尤有加奈何
以弟殺兄舍順效逆夫身卽肢體兄弟手足世
未有手足斷裂肢體聯屬者也廣亂父姬罪甚
於亥趙高教胡亥悉耳目窮心志於是復作咸
陽宮欲如煬帝千乘萬騎綿絡山谷奇服巧態
炫溢後房卽始皇遜不如亥病未能也夫樂天
下之樂憂天下之憂天子之事也以一己之樂
易天下之憂後世人主之失也始樂而不節則
民貧繼樂而無制則民死天子以人之死爲樂

天下亦必以死反之彼遼東之歌哀於清夜江
都之夢徵於西閣人情實然豈獨天道隋師入
陳君臣詩酒不輟驛啟塵封文帝笑之廣親承
其弊亦惡聞盜賊手斬宮人亡主諱亂繫其性
情臨事而蔽大愚一軌此虞世基所以用趙高
之術字文化及等所以尋閹樂之逆也廣游倖
荒淫汲汲顧景惟恐不足迺語蕭后卽亡不失
長城公然蕭后不妬之德或亞沈后而煬廣人
倫之惡十倍叔寶欲班同三品死葬芒山惡可

得哉。

得哉。漢高祖起兵。在秦二世之元年。九月。唐公李淵起兵。則在隋煬帝大業十三年之五月也。二世立三年。趙高弑之。隋煬荒淫十三年。始弑於宇文化及。兩君無道同。其數脩短則異。然漢唐真主仗義驅除。咸在紂惡既盡之日。是以興師未幾。其主先亡也。唐公遠祖虎。在西魏時。賜姓大野氏。隋文帝與淵親愛。復姓李氏。顧方士言天子之識。民間歌桃李之章。猜忌如煬。危且不

高祖興唐

沛公劉邦起兵。在秦二世之元年。九月。唐公李淵起兵。則在隋煬帝大業十三年之五月也。二世立三年。趙高弑之。隋煬荒淫十三年。始弑於宇文化及。兩君無道同。其數脩短則異。然漢唐真主仗義驅除。咸在紂惡既盡之日。是以興師未幾。其主先亡也。唐公遠祖虎。在西魏時。賜姓大野氏。隋文帝與淵親愛。復姓李氏。顧方士言天子之識。民間歌桃李之章。猜忌如煬。危且不

保淵女甥王氏在後宮。煬問淵死否。懼而縱酒。納賄以自晦。其不爲李洪兒者幾希。隋申公李穆初薨。孫筠當襲爵。叔父渾使兄子善衡殺之。以國賦賄宇文述。請紹封。後食言。述乃遣裴仁基告渾反。推從子敏爲天子。於是敏渾善衡宗族三十二人皆死。此亦渾殺筠之報。然朝廷旣以圖讖戮人。姓氏相求。何厭之有。淵幸得全。反任山西河東撫慰大使。命有天下者。其人日在側。不可得而殺也。淵在晉陽。擁兵自強。頗無大

志。子世民請之。裴寂劫之。強而後應。是惟懼私。宮人中死。法以爲反。亦死。不反亦死。與其死也。寧爲賊耳。然主之者實世民也。子不能匡父。以正而迫之。以淫懼之。以死弔民。伐罪而先表餌。其父發慮之始。已胎武幸楊妃之禍。帝王舉事。義利順逆。介在毫髮。可不辨哉。高歡討爾朱氏。詐爲書。稱兆以六鎮人配契胡。激其用命。淵欲起兵。則使劉文靜詐敕發太原西河鴈門馬邑民爲兵。集涿郡。擊高麗。用民之憤。使人以急陳。

史記二編 卷七 三十三
勝吳廣亦繇此起兵不厭詐其是謂乎竇毅女。淵之妻也。柴紹妻。淵之女也。毅女少時聞隋文篡周。自投牀下。恨不爲男子。救舅氏患。紹妻一婦人。歸鄠縣別墅。招合羣盜。悉歸於淵。其英武豈下世民。夫唐公家庭其無志天下者。或淵耳。若妻若子若女。咸久有圖隋之心。四海之略。淵又何能與異。且淵卽不叛隋。度其執節死義。必不能爲堯君素。則不如任賢子而起大事也。

唐平東都

楊玄感弱冠以父軍功位柱國。旣從征伐。威名尤盛。討土谷渾還。至大斗拔谷。從官狼狽。卽謀襲擊行宮。叔慎止之。遼東之役。督運黎陽。遂圖大舉。引兵向洛。彼富貴佯人。主賓客徧海內。驍勇善戰。身先士卒。叱咤風雲。威方項羽。兼荒主在外。六飛未還。讎民在下。延頸思亂。乘而攻之。何堅不克。廼兵頓弘農。身死葭蘆者。雖繇狹智淺見。不用李密上策。亦以楊素窮凶。弑殺冤酷。

天。不。欲。使。其。子。孫。得。志。於。中。國。也。密。策。略。弘。遠。
禮。賢。得。士。當。日。豪。傑。群。推。爲。首。輔。玄。感。不。成。幾。
死。而。脫。亡。命。江。海。哀。吟。草。野。不。遇。翟。讓。一。飢。賊。
耳。謠。讖。奇。異。群。盜。敬。愛。統。領。大。衆。權。出。讓。右。張。
耳。陳。餘。豈。相。阨。哉。讓。貪。復。無。能。殺。於。杯。酒。先。發。
制。人。王。世。克。歎。密。爲。龍。蛇。不。測。抑。大。業。未。成。自。
相。屠。戮。蕭。銑。所。以。責。沈。柳。生。也。玄。感。舉。兵。密。勸。
其。先。圖。關。中。及。自。立。不。聞。其。鼓。行。而。西。豈。能。言。
之。不。能。行。之。與。洛。口。黎。陽。二。倉。民。食。所。聚。密。襲。

而。有。之。富。誠。莫。敵。然。粟。多。民。聚。粟。盡。民。散。恃。粟。
而。立。其。何。能。久。柴。孝。和。進。西。襲。長。安。之。策。徐。洪。
客。獻。直。向。江。都。之。謀。密。心。善。之。而。不。用。志。雖。有。
餘。氣。則。將。竭。英。雄。回。首。負。嘆。崦。嵫。王。世。充。佞。賊。
狙。黠。一。戰。卽。勝。密。不。敗。於。所。畏。而。敗。於。所。輕。魚。
服。見。笑。鼓。衰。足。悲。委。身。唐。公。不。得。台。司。鬱。鬱。奔。
叛。斬。邢。公。峴。下。生。不。如。竇。融。死。不。如。田。橫。傷。哉。
唐。公。初。起。義。嚴。憚。惟。密。卑。辭。推。獎。呼。爲。大。弟。西。
方。克。定。密。忽。窮。歸。喜。實。過。望。縱。之。山。東。失。策。甚。

矣。盛彥師邀斬半渡。功等淮陰。楚亡漢興。斯其會也。李密既死。世充何能爲彼豺聲。卷髮機巧。刻深媚煬。帝弒皇泰。迷惑閉房之記。誑耀莊周之書。覬塗耳目。苟延日月。篡三年而滅。予猶謂晚也。

唐平河朔

隋季僭竊。鄭夏最強。然竇建德非王。世充比也。世充祖本西域胡。冒王姓。乃仕隋。世充無他才。能以口舌得幸煬帝。飾臺沼。奏珍物。啟括江淮。良家女備後庭。皆王心所慕樂。其側媚固寵。猶裴矩。虞世基耳。宇文化及弒煬帝。世充不能討。皇泰主立。專政自用。元文都盧楚謀誅之。言泄而死。王亦被廢。旋遭酖縊。弒君之罪。不異化及。猶崛強東都。敢與唐抗。趙高齋宮。董卓北掖。厥

罰宜同。乃俘於太廟。免死。徙蜀。非獨孤修德。痛念父讎。自行翦戮。唐其無刑哉。竇建德。漳南世農。重然諾。喜俠節。鄉黨所重。憤世危亂。入高雞泊中爲盜。此與食隋祿官。隋官而反。戈悖逆者。其情已殊。迨兵次聊城。生擒化及。奉表皇泰。稱臣。蕭后討賊之正。唐公不及也。唐克長安。奉代王侑爲帝。尊煬帝爲太上皇。內圖自王。外修臣禮。淵亦自云掩耳盜鐘。建德武人。獨明大節。卽地非漢祖之入關。而功猶更始之誅莽。其所不

能望秦王世民者。或英王天授大器。非常耳。若夫兢兢慕義。好行其仁。王雖不成。曷可少哉。且赦李蓋之死。量同項王。斬王軌之奴。媿侯子密。撫降不殺。賞忠不誅。盜名字建旌旗者。時有百數。行事相近者。什不能一也。世充始交好。繼交惡。其深絕之者。以弑主故也。唐兵逼洛陽。世充請救。宜拒而不納。竟惑於劉彬。空國往援。交非趙魏。而勢連虞虢。秦王定策始戰。一舉兩克。建德之亡。非自亡也。爲世充而亡耳。以身殉人而

殉者其讎以國委人而委者其賊魯連虞卿之
 義貴於排難解紛不聞如是其愚也曹氏明識
 善斷遠過建德其言不用狼狽就死內有賢妻
 而違以蹈禍婁妃能佐高歡之成曹氏不能救
 建德之敗婦人雖智命繇其夫斯亦各有天哉

唐平隴右

隴西盜起金城令郝瑗將討賊薛舉與子仁杲
 劫之座上矯稱捕反者起兵為亂度瑗從舉非
 出誠心宜善自全圖去就迺忠於所事誓死不
 反何也舉始用兵即降宗羅睺襲皇甫綰鍾利
 俗唐弼等相繼殄服勢誠驍銳然以之比唐關
 地聚民不過一大國諸侯使早知廢典稱臣獻
 順如吳芮長沙尉佗南粵保功名終計豈不善
 瑗獨非之憫然擬於漢高昭烈使舉心侈大戰

鬪不息。卒至覆宗殞國。此亦陳嬰之母所深笑也。高塘既拔。瑗勸舉乘勝直取長安。會病死。迺止。瑗遂哭舉不起。卽其生相信死相哀。未嘗無君臣之義。英雄之感。然舉非項籍。而瑗慕范增。徒死無益。余又傷其力小而欲與天爭也。仁杲勇號萬人敵。獨貪而好殺。卽舉殘猛。亦心惡之。每戒其虐。必亡國。後果爲秦王世民所擒。夫薛舉父子素不敵唐。前者高塘之役。豈舉能勝哉。特以秦王臥病。劉文靜殷開山違其節制。輕師取撓。多見殺傷。及嚴兵再出。始而堅壁。繼而長驅。賊勢窮蹙。面縛不暇。舉一倖而勝者。仁杲不能再倖。欲取天下。豈不繇材智度量哉。旁合地。仁杲驍將。降而復叛。至始州。掠王氏女。醉寢野中。女取其所佩刀。斬之。送首梁州。封崇義夫人。其俠節成功。榮於薛舉。鞠后矣。

其前... 中文... 其... 然... 舉... 為... 亂... 者... 也... 軌... 防... 亂... 者... 也... 軌... 略... 知... 書... 有... 知... 辯... 好... 調... 人... 急... 見... 舉... 亂... 金... 城... 恐... 郡... 縣... 吏... 孱... 弱... 無... 足... 與... 計... 誠... 不... 忍... 以... 鄉... 黨... 宗... 族... 父... 兄... 妻... 子... 委... 盜... 賊... 魚... 肉... 始... 謀... 聚... 保... 河... 右... 觀... 天... 下... 變... 苟... 亦... 名... 之... 為... 賊... 不... 幾... 以... 燕... 雀... 笑... 鴻... 鵠... 哉... 群... 衆... 推... 奉... 軌... 遂... 有... 奢... 心... 欲... 身... 應... 識... 書... 夫... 李... 密... 公... 卿... 子... 孫... 號... 令... 霜... 雪... 志... 氣... 才... 略... 百... 倍... 于... 軌... 猶... 不... 能... 符... 歌... 桃... 李... 自... 命... 真... 王... 軌... 何... 人... 斯... 望... 為... 天... 子... 多... 見... 其... 不...

唐平河西

薛舉李軌皆以財雄邊然舉為亂者也軌防亂者也軌略知書有知辯好調人急見舉亂金城恐郡縣吏孱弱無足與計誠不忍以鄉黨宗族父兄妻子委盜賊魚肉始謀聚保河右觀天下變苟亦名之為賊不幾以燕雀笑鴻鵠哉群眾推奉軌遂有奢心欲身應識書夫李密公卿子孫號令霜雪志氣才略百倍于軌猶不能符歌桃李自命真王軌何人斯望為天子多見其不

知量也。安興貴家世涼州。久留長安。表唐高祖願還招軌臣順。其說不行。卽與弟修仁結西域諸胡圍城。連奚道宜擊軌。玉女臺成。不來神仙。徒別妻子。愚哉涼帝。坐而死。寇然興貴。初心非欲殺軌。示以大唐之盛。勸其東歸。之樂設。軌能聽之。奉圖朝廷。世作蕃輔。與國終始。興貴未始非涼忠臣也。隗囂有一馬。援不能用。而用王元病。飢憤死。豈援罪乎。興貴成言而出。建節而還。身入大敵。威宣萬里。厥功高矣。豈特使不辱命哉。隋未群盜。竇建德。蕭銑。稱賢。次則李軌。三者智數雖殊。廢興亦復相近。其興也。建德戒害忠良。銑惡自相攻。戮軌亦禁殺人。取貨其廢也。建德殺王伏寶。銑殺張繡。軌亦殺梁碩。寬大則士附猜忌。則衆離。從來爭天下者。無不然也。

唐平河東
史言劉匡妻趙氏夜坐庭中見飛光投懷感娠
生武周彼為盜賊者其誕育固有神怪哉武周
受王仁恭愛遇總虞候直閣下盜其侍兒反懷
異計說諸惡少年殺之逆亂負德與楚王坐客
袁盎從史異矣武周雖驍悍善騎射其所資以
尤強者在得宋金剛金剛上谷賊與魏刀兒善
竇建德滅刀兒遣人招之金剛恚曰魏王死吾
義不往拔刀將自刎眾抱之泣遂歸武周武周

唐平河東

史言劉匡妻趙氏夜坐庭中見飛光投懷感娠
生武周彼為盜賊者其誕育固有神怪哉武周
受王仁恭愛遇總虞候直閣下盜其侍兒反懷
異計說諸惡少年殺之逆亂負德與楚王坐客
袁盎從史異矣武周雖驍悍善騎射其所資以
尤強者在得宋金剛金剛上谷賊與魏刀兒善
竇建德滅刀兒遣人招之金剛恚曰魏王死吾
義不往拔刀將自刎眾抱之泣遂歸武周武周

號爲宋王。分遺家貲。妻以女弟。金剛出故妻而納之。蹈殺妻之忍。以明丹青之信。其人穿窬耳。然破裴寂。殺姜寶誼。齊王元吉。懼奔京師。是時彼師盛。若王尋。唐兵弱。猶光武雀鼠谷之戰。可方。昆陽敗而復勝。危而復安。非秦王世民。其誰克哉。元吉驕侈。喜鷹狗。其守并州時。不修軍政。惟載罝網三十車。日夜縱獵。聞武周騎屯黃蛇嶺。始遣張達率百人嘗鬪。達爲鄉導。榆次失守。諸城連破。晉陽遂陷。元吉不顧土地。但携妻妾。

按之以法。有誅無赦。高祖狗情不問。則梁武之力。陳願假精兵克復。乃更出師。平時無根本之慮。急難爲棄地之謀。高祖無能。猶元吉也。令秦王不行太原。尚非唐有。敢望混一乎。武周以汾陽宮人賂突厥。得立定楊可汗。引衆入寇。據有晉陽。旣窮無所之。非突厥莫與歸也。後復謀歸馬邑。事泄被殺。彼興于突厥。亦死于突厥。夷狄不可恃於盜賊也。猶信。

唐平江陵

蕭銑後梁宣帝曾孫也。少貧傭書。事母孝。煬帝以外戚擢羅川令。大業十三年。董景珍等謀起兵。推銑爲主。銑報書厲衆。哀痛先君。志存刷恥。夫帝室之裔。名非草澤。復讎之舉。師異潢池。以此令天下視唐興晉陽。尤順惜其文。有餘武不足也。趙郡王孝恭師抵江陵。銑總衰布幘。泥首軍門。願身當死。無殺百姓。送至京師。高祖讓之。銑對以逐鹿無罪。自比田橫。遂斬都市。史臣謂

銑力困計殫。好言僞辯。唐祖神聖。賜以殊死。夫古公去國。屬告父老。蒯通強辭。漢高不殺。銑係虜。抗言開誠。解甲卽責。其盜竊仁義。詭世亂俗。爲聖人所必誅。豈心服哉。高祖素怨李靖。一入長安。卽召而殺之。秦王固請。廼免。及銑據江陵。詔靖安輯。會蠻賊鄧世洛兵數萬屯山谷間。廬江王瑗討不勝。靖謀擊却之。進至峽州。阻銑兵不得前。高祖復罪其逗遛。詔許紹戮軍前。紹惜其才。奏請得解。靖之一身幾死者。再卒破銑者。

靖也。孝恭發夔州。峽江方漲。靖請掩其不備。連拔二鎮。旣獲戰艦。盡散江中。援兵遲疑不進。銑窮出降。設唐果。殺靖。蕭氏坐大孰。發十策。哉。銑統地廣浩。西至三峽。南交趾。北距漢水。無不附屬。獨性外寬內忌。大臣疑貳。董景珍叛。張繡誅。銑益孤弱。梁元帝出王琳於廣州。而魏師至。蕭銑移諸將於江嶺。而唐兵入。平時自空宿衛。倉卒難於呼援。其所以取敗同也。唐釋李靖。猶漢赦淮陰。英雄瀕死而生。王業得人而成。自古然。

矣。

此處文字模糊，難以辨認，可能為正文或旁注。

唐平江淮

杜伏威輔公祐。刎頸交也。公祐數盜姑家牧羊。餽伏威。縣迹捕急。相與亡命。為盜。下苗海潮。殺趙破陣。眾遂盛大。然兩人隙未順。逆中分伏威。入朝。公祐反。誅張耳。歸漢。而王陳餘自立。而滅效忠者。智恃大者。愚成敗之數。前人較如矣。伏威選敢死五千。號上幕。每戰先登。又有養子三十人。皆壯士。屬以兵。同衣食。其中闕稜王。雄誕最知名。稱大小將軍。伏威初渡淮。與李子通合。

後被襲重創墮馬。雄誕負逃葭澤中。哀嘯散亡。又爲隋將來整所窘。衆復潰。西門君儀妻負伏威走。雄誕總麾下十餘人從之。追兵至。力戰始脫。伏威不死。王將軍力也。子通跳梁京口。汪華據雄黥歙。聞人遂安守險崑山。三者皆唐勁敵。雄誕兵至。或窮窘乞命。或傳諭卽降。功勞甚顯。公祐謀叛。爭以大義。遂遇縊。伏威效河西于生。前雄誕從賊。洪於地下。雖人各爲其主。死可謂非唐忠臣哉。闕稜勇善拍刀。威行群部。南討公

祐。戰功獨多。青山之戰。賊衆下拜。趙郡王孝恭誣以謀反。殺之。忠功見誅。義士痛疾。公祐年長於伏威。人呼輔伯。奮擊子通。長刀無敵。惑於左游仙。都陳故宫。僭位號。益州子陽崛強。何益祇速死耳。沈法興。吳興郡守。亦起爲盜。才不及子通。遠甚。沈江先死。所自取也。張善安。年十七。掠淮南。猶伏威。年十六。入長白山。同年少劇賊。後歸唐。以與公祐謀誅。斯時又悔。不如伏威。餌雲母而死也。

唐平山東

唐赦王世充。殺竇建德。蕭銑。世譏其失刑。未幾。果有劉黑闥之亂。黑闥與建德少相友善。後亡命爲盜。更事郝孝德。李密。王世充。乃歸建德。封漢東郡公。委以斥候。每乘隙奮奇。入敵中。出不意。兵多摧克。軍中號神勇。凡人幼少。結納壯大。同事雖爲盜。亦各有類也。建德死。黑闥還匿漳南。杜門不出。然古來跳躍百戰。勁賊假王。未聞槁馘戶牖。卽窮困無聊。雜于農夫傭保。此其人。

豈肯鉏菜老哉。唐祖用人非長。建德舊將散在民間。既不能殺之。又不能用之。彼無半城之寄。寸組之賞。足以係累其心。縱官吏不分捕郡縣。不呼討。亦有群爲盜耳。漢定天下。功臣偶語沙中。子房卽懼其反。群盜放蕩。不納繩墨。徒出使者。望道路。是激速亂也。劉雅願守耕桑。衆共殺之。黑闥方種蔬。見諸將來。卽椎牛享士。襲破縣城。不數月間。盡復建德故地。善戰如李世勣。羅士信等。皆非其敵。李玄通不肯從賊。酒酣舞劍。

而死。史萬寶擁兵不進。坐喪淮陽。王道玄二臣。忠逆殊。顧其勢則危急。秦王克平山東。黑闥尚能爲禍。崔元遜諸葛德威。彼所署將。誘以飲食。始見執。窮寇再奮。中原幾震。縻虎豹者。無術。忽蜂蠆者。受螫也。韓信囊漣水。以破龍且。秦王壅洛水。以敗黑闥。用兵之神。殊世合轍異哉。

太宗平內難

秦王世民之殺建成元吉。儒者以爲猶鄭伯之克段。抑其事執殊矣。共叔段雖姜氏愛子。鄭武公未嘗許立也。莊公卽位。段於情則君之寵弟。於分則國之人臣。莊公以兄訓弟。以君制臣。納之以義。寧敢作慝。必養成其惡。而後殺之。春秋所以惡其忍也。唐之建成。於取天下無尺寸功。又驕不惜士。人心不附。立爲太子。高祖之愚也。齊王元吉。不惟無功。且棄太原。其罪當斬。高祖

姑息不誅。成彼邪心。復聽譖言。欲搖秦王。父猶
 瞽。瞽二子猶象。欲為舜者。其難哉。象心欲殺舜。
 其勢與力不能殺舜。建成元吉。執力厚矣。操秦
 王日急。坐而待死。即舜當其時。必不然。周公誅
 管蔡。史序其事曰。乃致辟管叔於商。辟者法也。
 其辭始以乃。繼以致者。不忍之至也。周公以王
 法討亂臣。非世闕牆者比。三叔可死者。死之可
 生者。生之。公在天下。慈則家人。然即使管叔不
 死。彼亦必不能殺成王。建成元吉。則殺秦王。必

矣。建成殺秦王。元吉必殺建成。秦王殺建成。元
 吉死者。止建成。元吉耳。建成元吉殺秦王。豈特
 無建成。元吉直無唐也。建成元吉死。高祖拱手
 無言。讓位秦王。設建成元吉殺秦王。度高祖亦
 不能問也。秦王之失。惟倉卒手刃。夷戮諸子。猶
 有遺譏。若夫兄弟不容。危在宗廟。痛而一割。直
 其所遭之不幸。豈與鄭伯處心積慮等哉。魏徵
 王珪不能勸建成為秦伯。而啟以立功固寵之
 謀。管仲射鉤。寺人斬祛。彼猶愧之。尉遲敬德。躍

史記二編 卷七 四
馬○禁○殿○擐○甲○海○池○似○以○兵○劫○君○然○士○死○知○已○忠○
無○二○君○未○可○非○也○高○祖○天○下○得○之○秦○王○凶○子○害○
之○嬖○御○讒○之○秦○王○幾○死○何○怪○漢○高○殺○韓○信○誅○布○
越○哉○

太宗易太子

常○山○愍○王○承○乾○與○濮○恭○王○泰○高○宗○治○皆○文○德○皇○
后○所○生○承○乾○八○歲○時○敏○惠○著○聞○太○宗○在○諒○陰○委○
決○庶○政○有○大○體○長○而○頑○淫○非○意○所○期○也○晉○適○幼○
慧○後○漸○奢○虐○隋○勇○好○學○獨○多○內○嬖○繼○體○之○君○習○
非○則○易○習○善○則○難○爲○之○父○者○師○傳○教○諭○寧○不○兢○
兢○然○適○死○于○南○風○勇○廢○于○獨○孤○適○當○人○倫○之○變○
禍○患○萋○菲○不○能○自○明○承○乾○遭○遇○太○宗○而○敗○德○日○
甚○是○誰○咎○哉○孔○穎○達○令○狐○德○荼○于○志○寧○張○玄○素○

趙弘智王仁表崔知機等皆天下選備位宮臣。每發規論。太宗必厚賜金帛。冀以感勵太子。後又遣魏徵往傳。寄托深重。周昌相趙王。汲黯相淮南。護愛子而格非。心用意至矣。承乾狂暴。不聞悔過。更忌魏王泰。欲謀殺之。侯君集素懷快。快利國有釁。勸其決反。李安儼趙節。杜荷饒血。同盟攘臂呼亂。唐開基日淺。臨湖未幾。又圖西宮。父子兄弟寧堪再刃哉。泰著書下士。窺望儲副。承乾既敗。復脇晉王。帝心不平。幽之北苑。太

子之位天位也。泰以有心而失治。以無心而得。始信才智不可過用。庸懦未始非福也。紇于承基。承乾所養刺客。奔走效用。同逆已久。會治齊王祐反事。懼誅告變。身欲脫死。忍訐尊親。罪當無赦。反爵平棘縣公。江充重賞。戾園益悲。漢武作思子之宮。唐宗封不義之侯。何相背也。承乾廢後。岑文本劉洎勸帝立泰。長孫無忌獨請立治。執持雖正。後幾覆唐室。使泰得立。其無武氏之禍乎。然天欲亂唐。則興武。欲興武。則立治。太

史記二編 卷七
宗且不能違况無忌哉紂立而殷亡漢惠立而
呂后亂此皆不可以後日之異變訾當日之守
經也

太宗平突厥

冒頓強於秦末始畢大於隋季蓋中國戰爭則
夷狄坐寬豪傑並攻則非族日長卽素所服屬
忽絕羈勒擅并兼指大於股操人輕重其勢然
也始畢可汗咄吉者本啟民子乘大業之亂華
人走依群胡奉役竇建德薛舉劉武周梁師都
李軌王世充等崛起爲盜咸臣尊之唐高祖興
晉陽亦屈節求助雖多請馬少請兵有王者權
畧然旣資其力不能不爲彼下雪恥除兇義存

隱忍啟民身。鋤香草始畢。使升御座。父賤爲奴。子豪爲帝。盛衰豈不以時哉。隋義成公主始妻啟民。繼妻始畢。三妻處羅。處羅死。嫌子與射設。陋弱更妻其弟咄苾。是爲頡利可汗。而始畢子什鉢苾長。別立爲突利可汗。其時公主失行。不異千金。而突厥勢貳。漸等都藍。衰亂所繇始也。關中屢驚。高祖欲徙都出避。秦王世民固諫。願假數年之期。生繫頡利。致於闕下。蓋彼所縱橫。出勝者唯二可汗。抑知秦王得因其隙而用之。

者亦以二可汗故也。隴阪陳師。突利託款。突厥盛氣而來。無所加於唐。獨與秦王結兄弟耳。秦王旣爲天子。二可汗乘其新喪初立。直抵郊甸。天子輕騎詣渭水上。責彼負約。懼而請和。又縱使歸。不伏兵掩擊。先耀以強。後服以仁。文王整旅。宣王飾車。德威備矣。頡利弱亂。突利先歸。李靖進兵。風行草偃。不折弓矢。兩可汗俱爲唐臣。頡利死。京師突利死。并州生長蠻夷。死葬中原。灞東起冢。墓碑有文。魂魄有知。尚依唐室。此又

空幕南幸廬帳者所未有也。突厥降衆，宜縱還故土，毋留中國。帝違群議，獨用溫彥博策，分處河南。亡何，結社率果犯行宮，方悔其失。始固謂王者大無外而不知戎狄豺狼終不可邇也。然幸發之者蚤治之者疾，唐遂無晉代五胡之患。則魏徵等言猶見施行，不與江統同棄矣。

唐平鐵勒

薛延陀者，先與薛種雜居，後滅延陀部，有之。號薛延陀。在鐵勒諸部最雄張，其於突厥叛服不常。夷男之時，頡利政亂，天子方圖頡利，乃冊書拜夷男爲可汗，賜鼓纛，將以樹敵突厥，携其支黨視漢通。月氏大夏烏孫以分匈奴，西方援國尤事逸功倍也。阿史那思摩，頡利族人，忠誠獻順。天子嘉其義，立爲可汗，使還故疆，興廢繼絕。朝廷厚德，風動蠻夷，夷男不慕中國之仁，驅擊

思摩牙帳內徙。此在與國爲乘危。天朝爲負。固問罪之師。其何能已。王師數出。天子厭兵。許以新興公主。下嫁夷男。國家之辱。莫有大焉。契苾何力。夷人忠孝。心如鐵石。獨持議絕婚。進策見用。公主不出。夷男憤死。二子爭殺。諸部歸命。片言樽俎。遂平。敕厥功茂矣。自古議夷狄者。周得上策。秦得中策。漢則無策。無策者。何和親是也。漢武帝通西域。遣江都王女妻烏孫王。昆莫死。岑陁欲尚之。公主慙恚不肯聽。上書言狀。

從其俗。其後翁歸靡元貴靡等。紛請無忌也。蕭望之奮發大義。請賜謝絕。徵還少主。邊竟謐安。累世積恥。一朝而復。至今榮之。房玄齡褚遂良。唐社稷臣。昧於禮誼。堅爲夷男求婚。降良人于穹廬。汗帝女以蒸報。是徒循婁敬之陋說。而不明望之之達識也。太宗神武內斷。詔夷男親迎。中道停絕。病死沙磧。於是拔灼殺曳莽。回紇殺拔灼。咄摩支來歸京師。十一姓趨款靈州。帝坐勞之曰。爾來若鼠得穴。魚得泉。我爲爾深廣之。

作詩勒石。告廟賜醜。其所以功高百主。威行窮海。惟在善聽。何力。若群臣錄錄。狃小信。忘大經。見猶房楮。苟用其言。必爲世笑。趙充國譏。凡公卿班超。惡文俗吏。有以哉。

唐平西突厥

東突厥之有西突厥也。繇木杆舍其子大邏便。而立弟佗鉢始也。大邏便不容於攝圖。西走達頭。後被虜。國人立鞅素特勒子。再傳而及達漫。在隋時頗叛服。分衆爲三。唐高祖武德初。歸命長安。遽聽統葉護所請。縱使者殺之。曲在唐矣。統葉護爲莫賀咄所殺。國人請立泥孰。泥孰不可。迎立啞力。卒殺莫賀咄。忠臣奉君。孝子復仇。兩者無愧。啞力復欲圖泥孰。不仁實甚。旣啞力

奔而泥孰立。向背在人。惟義乃附。即蠻夷猶然。泥孰死。弟同娥設立。統吐屯搆叛。部眾復立。欲谷設。西突厥又分爲二國。勢益不支矣。同娥設奔死。弩失畢部落立其子薄布居南庭。與欲谷設北庭無相害也。欲谷設復殺薄布。强大驕倨。諸部請廢之。立莫賀咄子爲乙毗射匱可汗。未幾阿史那賀魯起并其眾。廬帳最盛。事唐最反覆。欲谷設子頡苾請共擊之。蘇定方等統師再出。賀魯禽獻昭陵。乃命彌射步真分主西突厥。

地亡何步真又說蘇海政殺彌射。嗚呼。戎狄無親。爭雄以力。骨肉相攻。彼所不忌。然言其族類。則皆父兄子弟也。晉室板蕩。禍生八王。梁祚衰絕。兵極六門。同室之鬪。勝則不忍。敗則同盡。夷雖非種。情勢未殊。隋用染干以間。雍虞閭。唐用突利以制頡利。亦突厥之近鑿也。而犬羊愚悖。不知覺寤。是以夷狄攻夷狄。夷狄之失計中國之上策也。

太宗討龜茲
太宗討龜茲
太宗討龜茲
太宗討龜茲
太宗討龜茲
太宗討龜茲
太宗討龜茲
太宗討龜茲
太宗討龜茲
太宗討龜茲

太宗討龜茲

焉耆謀叛。龜茲王布失畢遣兵佐之。太宗赫然
議討。其夜月食昴。詔曰。月陰精。用刑兆也。星胡
分。數且終。乃命阿史那社爾等連師進擊。未幾。
破大城五。降小城七百餘。虜其王相歸夷虜與
亡。上應天象。卽小醜。猶然哉。郭孝恪揚翟奇士。
少從李密。後歸太宗。策破王世充。竇建德。功出
諸臣右。焉耆王龍突騎支。與西突厥婚。約爲輔
車。不朝貢。其所恃者。都城三十里。四面大山。海

水繚外。唐兵雖神不能渡也。孝恪倍道絕水。夜傳堞。達曙。譟而登。鼓角轟哄。執突騎支以來。時天子坐堂上。度功萬里。料二十二日。孝恪必破焉。者蓋彼威勇夙昔入虎穴。得虎子。班超降鄯善。耿秉擊車師。斯其人也。既討龜茲。破其國城。自留守。遣餘軍分道進。長勝之餘。謂可談笑制人。乃那利收合散亡。與城內胡結。鼓譟轉襲。孝恪鬪死。威行窮漠。而命蹙一城。蟻隙潰堤。言之烏邑。孝恪出營時。國人獻言。亦云那利出亡。勢

必爲變。願謹備之。孝恪忽不問。父子死敵。凡人千勝不當一敗。蝮蛇螫手。斷腕不及。壯士當此難以救矣。崔義起。曹繼叔。募兵再戰。那利就擒。虜固易制耳。狎則噬人。屈則稽顙。亦視所備者何如也。太宗受俘紫微殿。待布失畢。以不死。大唐至仁。然那利有殺孝恪罪。未可赦也。縱之歸國。任其蒸逆。後復煩斧鉞。龜茲方定。一時逋誅。沒世有害。卽彼國君何利焉。

太宗平高昌

高昌王都交河城。漢車師前王廷也。田地城。戊巳校尉所治也。其王麴伯雅。隋時妻華容公主。蓋宇文氏女也。唐武德初。伯雅入貢。既死。子文泰立。遣使來告。及太宗之世。貢獻不絕。宇文女賜氏李。更封常樂公主。中國保宇出于誠心。非若教勒貌附。賜以精刀寶鞭而已。文泰不恭焉。耆來訴。帝往問狀。猶不悛順。驕倨自大。意謂伏蒿之雉。不畏鷹。噉穴之鼠。不畏猫。迨唐師臨磧。

口惶悸發病。夜郎恃遠于寘。疎漢彼不覩天子之師。烏知中國威武哉。文泰疾死。智盛當國。孺子何知。可服而舍。侯君集伐不乘。羸勝不黷。兵其。晉文公之服原人乎。智盛謁軍門。辭尚未屈。薛萬均勃然起。流汗伏地聽命。高昌兵如霜雪。唐家兵如日月。其謠果驗。俘獻殿庭。舉國內屬。智盛智湛。爲唐臣僕。麴氏傳國九世百三十四年。至是而亡。以小抗大。寧有利焉。太宗旣平高昌。改爲州縣。魏徵褚遂良固諫。不聽。後西突厥

數入寇。乃喟然悔也。唐卽富強。但能絕麴氏之世。不能獲高昌之用地。實限之。非人力所及。使太宗明漢光武不置西域都護之意。則無是舉矣。侯君集取高昌。兵不血刃。歸下獄吏。岑文本訟之。乃出。此與劉向疏甘延壽陳湯功曷異哉。

太宗平吐谷渾

慕容伏允。夸呂少子也。襲兄位而妻其妻。素懷不順。會隋末喪亂。屢寇河右。郡縣不能制。唐高祖卽位。始與連和。貞觀時。復梗命負隅。太宗詔使屢出。終無悛心。不得已而興師出討。義兵有名。非若拾寅無罪。魏文成獻文窮武相加也。李靖年老。帝不欲勞以兵戎。獨慷慨請行。耀威虜塞。廉頗馬援勇猶不如。侯君集等佐之。轉戰無敵。至行空荒二千里。盛夏降霜。士糜冰。馬秣雪。

既次星宿川。達柏海上。望積石山。覽觀河源。亦
 已功高瀚海。勢崇國靈矣。伏允初拘天子行人。
 統党項驍衆。意氣厲盛。後遁磧中。從者僅百騎。
 無聊自經死。蓋彼有臣天柱王而爲謀不忠。有
 子順而二心不孝。皆所以速亡也。伏允向事唐。
 惑天柱王。乃抗衡。順斬之以降。于奉中國爲正。
 然父死。謂何不可言也。吐谷渾初起時。兄弟悲
 思。母子涕泣。孝弟之風。傳于竹帛。其衰也。鬼王
 訶背。夸呂順背。伏允父子之間。咸有賊心。陰山
 上隴。貽謀蕩如。能無痛乎。伏允西走。燒野草。以
 困唐兵。任城王道宗。欲按兵鄯州。徐圖進退。君
 集奮計。二軍始出。惟君集善謀。亦惟靖善斷。兵
 貴神速。塞外之威。不同于河上之師久矣。順旣
 爲可汗。國人不附。卒遇殺。子諾曷鉢立。尚唐弘
 化公主。其相宣王跋扈。謀作亂。席君買威信。王
 討誅之。彼順禍猶世。伏而跋扈。逆甚天柱。豈國
 家長世之兆哉。

終

歷代史論二編卷之八

明婁東張溥西銘著

貞觀君臣論治

唐室三大禍。一曰女寵。一曰宦官。一曰藩鎮。女寵始于巢刺王妃。終於張良姊。宦官始于高力士。終於韓全誨。藩鎮始于李懷仙。終於劉稹。三者之禍酷矣。又內主之以小人。外迫之以盜賊。而唐亡。論者深嫉朱全忠而思藩鎮。則曰全忠才智非過于安史朱泚也。其時藩鎮盡滅。時溥

朱瑄秦宗權羅紹王鎔之徒盡亡天下無有
制之者也設昭世朱滔在冀田悅在魏王
武俊在趙李納在齊全忠即欲爲曹操司馬懿
烏能動哉然當日諸侯制全忠者李克用助全
忠者韓建李茂貞唐不用其制者而用其助者
速亂而已豈繫藩鎮之存亡乎且論唐大勢所
難去者非藩鎮也安史之亂肅宗能先取范陽
則傾賊根本而可無藩鎮張忠志薛嵩田承嗣
李懷仙既降代宗能召之入朝不委以地則河

北黨散而可無藩鎮元和之治諸鎮畏威宰相
能善處置朱克融與王承元田弘正則魏博鎮
冀盧龍皆安而可無藩鎮王庭湊等連叛穆宗
能銳意征討如憲宗之平淮蔡則河朔再靖而
可無藩鎮藩鎮之禍皆天子致之未嘗有牢不
可拔之勢也藩鎮漸微大盜四起龐勛之黨爲
黃巢黃巢之黨爲全忠勛巢叛唐而誅之以其
爲盜賊也全忠歸唐而用之則盜賊而又藩鎮
也宰相誅宦官則召藩鎮崔胤是也宦官殺宰

史記二編 卷八
相亦召藩鎮韓全誨等是也。究之宰相死宦官死天子亦死全忠遂攘神器而有之。然則罪唐亡者獄將安歸乎。肅宗以前國家之憂在女寵。肅宗以後國家之憂在宦官。嗣聖之女禍莫烈于武后而繼之者又有韋后。韋后者武后之餘也。天寶之女禍莫烈于楊貴妃而繼之者又有張良娣。良娣者貴妃之餘也。武后虐而殺子韋后賤而弑君。楊妃無其罪召亂反甚焉。婦人之勢積久而潰也。肅宗鑒于楊貴妃而不能遠張

良娣鑒于高力士而不能去。李輔國魚朝恩鑒于安祿山。史思明而不能馭武夫。悍卒雖中興之主。實益亂之君也。乾元而降。宦官日盛。再更三主。則陳弘志立穆宗。王守澄立文宗。仇士良立武宗。馬元贇立宣宗。王宗奭等立懿宗。劉行深等立僖宗。楊復恭等立昭宗。甚而陳弘志弑憲宗。劉克明等弑敬宗矣。宦官弑君而不問。立君而不疑。天下之權畢聚於宦官。天下之怨亦畢聚於宦官。文宗懷赧獻之悲。宋申錫等抱陳

身言二編 卷八 三
竇之耻無如之何而有崔胤者出則又何進袁
紹之不若矣夫婦人寵過則覆宗宦官勢極則
滅種人君愛之適所以害之也然有小人憑焉
則上自人主下至婦豎莫不交爲之用玄宗英
主也李林甫用之終身不悟而幽陵叛興德宗
猜主也盧杞用之死猶見恩而梁州再竄許敬
宗李義甫長高宗之惡則武后立崔湜鄭愔結
韋武之歡則五王死天下莫智於小人莫愚於
爲小人用之婦豎又莫愚於用小人婦豎之人
主太宗樂拜昌言慎終如始其君臣論議詳矣
一傳而卽亂治法易治人難也讀貞觀政要者
能無望賢子孫哉

唐平遼東

唐太宗說高祖起兵太原立克長安降李密于
黎陽俘竇建德于河北禽王世充于東都芟劉
武周于并州剪劉黑闥于山東夷蕭銑于江陵
殄薛仁杲于涇水六年而定天下卽位以後突
厥之渠繫頸闕庭北海之濱悉爲州縣史稱除
亂比湯武用兵若黃帝近古未有也獨遼東一
舉拔高麗十城斬首四萬不能成功心懷哀痛
至馳驛祀魏徵柳城祭戰士幾于漢武之悔輪

臺儒者責帝玩武困于小夷然貞觀十六年陳
 大德出使高麗歸言其國可取帝閔山東彫瘵
 未忍勞之十七年鄧素請增懷遠戍兵復不許
 反遣使冊高麗王藏為遼東郡王既新羅來言
 高麗百濟為難猶璽書往諭未即加兵帝亦可
 謂有容矣且泉蓋蘇文手弑其王建武而立藏
 亂賊首逆當移六師非若隋大業時高麗王元
 之無罪也新羅入貢高麗與百濟謀絕其路啓
 釁自夷非若隋煬帝幸啓明帳中欲脅高麗入

朝而伐之也李世勣拔蓋牟張亮拔卑沙帝拔
 遼東白巖高延壽高惠真率眾請降勝勢在唐
 述等九軍大敗于於薩水也然而
 炳于親征一病于專攻安城市而
 不隋煬之伐高麗也庾質請留車駕
 功卒倍道兼行尉遲敬德勸太宗亦
 也隋之銳師頗于遼東唐之銳師
 不兵萬里致命一城中國之善戰不
 守業而有白登之圍

東

而○有○遼○東○之○挫○得○之○四○海○失○之○一○
憤○沒○而○不○忘○是○以○班○師○以○來○帝○喜○怒○
請○吏○備○禮○告○廟○勒○詩○靈○州○姑○發○無○聊○
未○幾○復○造○大○船○謀○征○高○麗○遺○詔○乃○罷○
足○于○末○路○結○長○恨○于○身○後○矣○高○宗○繼○
益○蘇○文○死○三○子○相○爭○李○勣○等○遂○平○高○
將○非○勇○于○昔○日○也○又○臨○之○以○庸○主○大○
功○忽○立○賈○言○忠○所○云○前○未○有○釁○今○乘○其○亂○也○嗚○
呼○伐○匈○奴○者○武○帝○而○受○朝○者○元○帝○伐○高○麗○者○太○
宗○而○蕩○平○者○高○宗○夷○狄○廢○興○彼○各○有○時○豈○盡○絲○
中○國○兵○力○哉○

吐蕃請和

唐太宗貞觀八年吐蕃贊普棄宗弄讚遣使入
 貢此吐蕃通中國之始也十二年吐蕃寇公州
 侯君集擊敗之此吐蕃寇中國之始也十五年
 以文成公主嫁吐蕃則中國與吐蕃婚矣高宗
 龍朔三年吐蕃擊破吐谷渾詔鄭仁泰等分屯
 涼鄯備之咸亨元年薛仁貴郭待封擊吐蕃敗
 績與論欽陵約和而還則吐蕃漸大與中國抗
 矣三年吐蕃遣仲琮入貢儀鳳三年李敬玄與

吐蕃將論欽陵戰敗績。永隆元年吐蕃寇河源。黑齒常之擊却之。永淳元年婁師德擊吐蕃於白水澗。八戰八捷。則吐蕃忽貢。忽叛中國。勞於用兵矣。武后垂拱四年。詔發兵擊生羌及吐蕃。不果行。永昌元年。遣韋待價擊吐蕃。大敗。除名流繡州。長壽元年。敕王孝傑等擊吐蕃。復取龜茲于闐。疎勒。碎葉四鎮。萬歲通天元年。遣婁師德等擊吐蕃。大敗。秋。吐蕃遣使請和親。郭元振請許之。久視元年。吐蕃將麴芬布支寇涼州。唐

休璟破之。長安二年。吐蕃遣使求和。冬。吐蕃寇茂州。陳大慈破之。中宗景龍元年。吐蕃遣使入貢。自此迄於睿宗。中國累歲無吐蕃患矣。玄宗開元二年。吐蕃復寇渭源。薛訥王駿敗之。六年。吐蕃請和。十年。張松擊破吐蕃。十五年。吐蕃寇甘州。王君奭追擊至青海西。破之。秋。吐蕃陷瓜州。十七年。信安王禕攻吐蕃。拔石堡城。十八年。吐蕃遣使入貢。十九年。以詩書賜吐蕃。二十五年。吐蕃西擊勃律。趙惠琮矯詔令崔希逸擊破。

史記二編 卷八
之二十八年吐蕃寇安戎城發關中兵救之二
十九年吐蕃四十萬入寇臧希液帥衆五千擊
破之冬吐蕃陷石堡城天寶六載董延光攻吐
蕃石堡城不克反譖貶王忠嗣七載哥舒翰築
神威軍應龍城吐蕃不敢近青海八載翰拔吐
蕃石堡城大抵玄宗之世吐蕃每入輒創卽爲
寇而希矣及肅宗卽位戎患寢昌代德繼緒大
寇歲見遂至京輔懼毒天子出走強同回紇而
罪深僕固大唐封燁覺牙犁庭之盛淪胥忽諸

抑何前後勢異哉幽陵盜起乘輿播遷戎介西
極密邇王畿隴右諸鎮安史所不爭得規便而
掩有猶之秦亂而匈奴大隋亂而突厥雄峙地
然也然吐蕃本發羌支屬禿髮衰種俗事獯羶
世隔華風弗夜氏驅野馬刺犁牛跳躍西域卽
思通朝尚主一不得遂擊吐谷渾攻党項白蘭
上脅中朝太宗不卽乘銳戡定反下降公主生
其侈心築城夸耀歲瞰邊庭中宗時棄隸縮贄
請婚又以金城公主妻之楊矩得厚賂請河西

史記二編 卷八
九曲爲公主湯沐虜近與唐接勢益張易入寇
和親之失策也辱國喪地於吐蕃尤甚太宗寧
能辭責哉

突厥叛唐

武后擊奚契丹則命武懿宗擊突厥則命僧懷
義女主失政之大者也突厥自李思摩入朝車
鼻可汗被擒以後諸部盡爲內臣北邊無寇者
三十餘年阿史德溫奉職二部忽背反時在高
宗之季未幾咸伏其辜皆裴行儉力也高宗崩
武后僭制骨篤祿等爲寇僧懷義出討不見虜
而還骨篤祿死弟默啜立入寇靈州復命懷義
討之不果行嗚呼沙門而執司馬之柄淫人而

張九伐之師。史冊以來。僅見而已。骨篤祿反。改曰不卒。祿默啜反。改曰斬啜。太后怒其叛。則更其號。二虜固不懼也。王莽篡漢。大分匈奴爲十五單于。烏珠留單于怒曰。先單于受漢宣帝恩。不可負也。今天子非宣帝子孫。何以得立。不受拜而入犯塞。武后使武延秀入突厥。納默啜女爲妃。默啜曰。我女嫁李氏。安用武氏兒。突厥世受李氏恩。今將輔立之。乃拘延秀。遺書數朝廷。五罪。夫漢人臣于賊莽。唐人臣于武氏。天下習

爲故常。不知其非也。夷狄君長。反能抗首。不服一矢。加遺其禮。失而求之。野乎。闡知微出使降虜。唐般若翻城應敵。是時邊臣死義者。自高叡外。不多見也。交持累載。勉許彼婚。猶武后忍冒頓之媢。書苟幸無事。誰敢言樊噲之橫行匈奴哉。玄宗定難。英武始奮。張仁愿築三受降城。郭虔瓘斬同俄特勒。突厥漸衰。嘿啜旋爲拔曳固所殺。獻首闕廷。遂至國內分爭。闡特勒殺默啜諸子。梅錄啜弒毘伽可汗。登利骨咄烏蘇白眉。

史記二編 卷八
相○次○被○誅○而○突○厥○并○於○回○紇○矣○唐○書○載○阿○史○稱○
亂○自○泥○熟○匄○至○白○眉○宗○族○迭○攻○令○終○者○鮮○較○前○
得○失○曷○若○思○摩○盡○忠○陪○葬○昭○陵○立○碑○化○州○也○馮○
奉○世○立○莎○車○之○功○蕭○望○之○裁○之○郝○靈○荃○得○突○厥○
之○首○宋○璟○抑○之○二○臣○慮○遠○皆○在○英○主○好○大○之○世○
豈○可○與○匡○衡○石○顯○之○阻○甘○陳○同○日○道○乎○

唐平奚契丹

契丹與奚皆東胡種也。契丹之先爲匈奴所破。保鮮卑山。魏青龍中逃潢水南。黃龍北。至元魏自號曰契丹。其地東距高麗。西奚南營州。北靺鞨。室韋阻冷陁山。以自固。其君大賀氏有勝兵四萬。析八部。臣于突厥。以爲俟斤。奚則蹋頓之後。元魏時自號庫真奚。居鮮卑故地。東北接契丹。西突厥。南白狼河。北雪。與突厥同俗。盛夏必徙保冷陁山。山直媯州西北。至隋始去庫真。但

曰奚。唐武德中契丹大酋孫敖曹來朝。而君長或。小入寇。當太宗時。契丹帥窟哥奚帥可度並帥所部內屬。賜姓李。自此世爲唐臣矣。李盡忠者窟哥之孫。孫萬榮者敖曹之孫。忽殺趙文翽而反。則武后之萬歲通天元年也。武后自垂拱以來。專任酷吏。誅唐宗戚大臣。郎將莫必其命。獨小醜角闢策力不展。何女主之威能行于告密。鈞距不能行于蠻夷外方也。契丹旣反。奚亦同叛。與突厥相表裏。號兩蕃。后卽欲不用兵。不

可得。然王孝傑戰敗。武侯宜徘徊漁陽。駱務整騎至。武懿宗退據相州。后將諸武。固謂子弟勇智。奔走禦侮。足耀遠國。乃上無寶憲。燕然之功。而下有高克清人之刺。則中才之謂何也。后惡二虜。改萬榮曰萬斬。盡忠曰盡滅。猶然婦人之忿。犬鷄之詛。無當讐伐。卽後日誅殞。突厥默啜實助有勞。豈大唐之聲靈哉。玄宗開元時。契丹可突于弒其主李邵固。叛降突厥。制以忠王浚領元帥。帥十八總管討之。定。亂服貳誠。稱義師。

身論二編 卷八 十四
惜後不行稍稽天誅踰三年張守珪設計誘斬
殲厥渠魁亂猶未靖安祿山敗北赦而不誅委
以范陽數侵掠市功久之奚契丹稍衰祿山遂
反然則萑苕之酒非特東胡醜毒亦天子腐腸
之藥也唐盛而亂以營州衰而亡以桂林易曰
喪牛于易詩曰敬之敬之蓋可忽哉

武韋之禍

武氏之禍成之者李勣甚之者李義府許敬宗
高宗之欲廢王后立武氏也褚遂良韓瑗來濟
涕泣固爭雖不能聽未嘗不心畏之他日獨問
勣勣答以陛下家事毋問外人帝念遂決百口
莫易也開元之末楊洄譖太子瑛鄂王瑤光王
琚及薛鏞於玄宗召宰相謀之李林甫亦云陛
下家事非臣等宜豫於是三子死東城驛鏞死
藍田賊臣亂宮闈搖國本者必以家事爲辭內

史記二編 卷八
成人主之私外杜諫臣之口於唐尤信焉武后
聖曆初武承嗣三思求爲太子狄仁傑力陳不
可太后謝以家事卿勿與知仁傑云王者以四
海爲家何者非陛下家事臣備位宰相豈得不
知后感夢鸚鵡召還廬陵卒反周爲唐大臣遇
主一言興邦一言喪邦蓋可忽哉武后淫佚好
殺其行事間類中材以上蘇良嗣批僧懷義而
不問漢文之責鄧通也讀駱賓王檄文而歎其
才高歡之惜王偉也團兒譖害皇嗣王慶之請

立承嗣立賜之死則族江充者不如其斷狄仁
傑一心唐室宋璟不禮諸張久任不衰則相楊
愔者不如其明降而韋氏婦德益荒矣中宗懦
猶高宗而甚之以愚韋后淫猶武氏而益之以
賤愚且賤其人不可言也彼生長富貴中歷幽
囚十四年間不聞臥薪飲血但祝見天日縱情
慾憂愁隱約無怒武氏之心而慕武氏之樂志
可見矣三思讎也委之以身五王親也刑若不
及昔太宗挈高宗王后屬二三大臣謂之佳兒

史記二編 卷八
佳婦嗚呼若中宗者夫夫婦婦祖宗豈忍見哉
武后欲自縱願高宗頭眩速死韋后淫不制遂
毒中宗婦人始惑其夫既則惡之又甚則殺之
盜憎主人婦怨無極下愚當此有死而已徐敬
業舉義匡復不能鼓行洛陽回翔揚潤窮蹙敗
死猶翟義不能殺王莽楊玄感不能殺隋煬蓋
上有商辛而歲惡未稔下非武王而觀兵太早
是以徒傷無益也臨淄乘衆怒斬罪人則真甲
子之師矣

太平公主謀逆

高宗三女義陽宣城二公主蕭淑妃所生太平
公主則武后出也蕭妃女幽掖庭年逾三十不
嫁太子弘奏請出降后怒即日配當上翊衛太
平下嫁薛紹則假萬年縣爲婚館翟車火燎道
樾爲枯陵辱他生寵貴巴女婦人不仁陰性類
然且后生四子弘薨合璧賢殺巴州既忍其子
何愛于女太平寵愛特厚者以其類已也儀鳳
中吐蕃請尚太平后不欲棄之遠夷度爲女道

士築宮薰戒以拒和親久之。主紫袍玉帶歌舞帝前。戲言乞賜駙馬。乃嫁紹。紹死更嫁武承嗣。會承嗣小疾。罷婚。后殺武攸暨妻以配主。蓋武后愛主不異。吕后之愛魯元而太平失行甚于平陽之適衛青人倫道盡。后實倡之于太平。何誅武后臨朝二十一年。主蒙愛倖不聞顯過。張易之兄弟之誅。頗與有力。玄宗討韋后復預秘計。遣子薛崇簡從事。定掖溫王下御座。奉睿宗卽位。國家征討廢立事非兒女子所知。太平生

長閨闈贊決大謀。權略英武。百過中宗。非若長寧奢侈安樂。妖淫徒恃傾朝之貴。見榮妃主也。爲若策者一心相王。永戴臨淄親兄之子爲帝。與兄之長自爲帝。寧有二哉。然勢極重者不反。權太高者慮奢。太上之妹。天子之姑。宰相出其門庭。六軍繇其呼喻。庸愚則喜其易制。英明則畏其除已。積釁成逆。勢所必至。其握寵也。以才致死也。亦以才婦人不可有才。尤不可使有功。太平其明徵矣。武氏之亂。決于李義府許敬宗。

史記三編 卷八
韋后武三思之亂。決于崔湜鄭愔。太平之亂。決于竇懷貞蕭至忠。非小人不附。女子非女子。莫容小人。若懷義什方。穢濁宮禁。靜能慧範。參圖弑廢人。非衣冠害。同亂賊。君子所謂非類。小人則以爲其類也。

李林甫專政

唐時賊臣。許敬宗。李義府。李林甫。稱首。三賊皆死牖下。敬宗享年八十一。其所遭際。卽元載。盧杞。弗若也。敬宗。義府。繇倡廢王皇后。立武昭儀。致寵。林甫結玄宗。亦繇附武惠妃。小人遇主。必窺掖庭之間。求衽席之助。微矣哉。唐書列傳云。源乾曜執政。素薄林甫。不與以郎官。裴光庭夫人。武三思女也。嘗私林甫。高力士本出三思家。武氏令薦林甫入相。會帝用韓休。武氏復語林

甫代為休請。休既相。重德之。遂內外延譽。登相位。彼固長平。肅王曾孫。其進取。率以武氏力。蓋高宗以來。滔滔小人。皆武黨也。女子之寵。終於惠妃。小人之禍。極於林甫。非獨人事。若有天道焉。敬宗應對。帝丘辨濟潔。高宗美其多聞。義府獻承華箴。文致儻甫。兩人即陰賊。猶以博文顯。林甫不學。發言鄙陋。甚於伏獵侍郎。兼張九齡以文學進。守正持重。難乎為繼。林甫以翻捷乘之。肘背扼吭。何哉。漢武帝相公孫弘。石慶不相。

汲黯。董仲舒。世謂英主用人。喜柔順。畏直方。崇長厚。忌有才洵矣。然玄宗明識遠不及漢武。林甫狡獪。又非弘慶比也。彼相於開元之二十四年。卒於天寶之十一年。十九年間。貴極人臣。寵溢天下。帝一意任之。謂年和歲豐。四境無事。君臣同德。可免後憂。及是時。窮聲色。恣遊娛。莫非林甫功也。胡亥欲圖極樂。始專趙高。玄宗蠱惑後宮。始專林甫。為林甫者。開元時天子之愛在武惠妃。則附武氏。天寶時天子之愛在楊貴妃。

則附楊氏彼日用天子之所愛而天子果以為
 林甫愛我也李林甫相而國家安安祿山將而
 邊境安帝意自此忘老矣且祿山之貴幸林甫
 之大利也胡人用則文人疎賊臣用則大臣遠
 祿山出入禁中唐室之辱林甫獨心喜之竊謂
 祿山不奪我相又可驅除他人即久握兵庸何
 傷及范陽師起天子流離彼考終久矣養一人
 之欲而不虞其死造天下之亂而不與其禍即
 剖棺抉珠焚骨揚灰豈償厥辜哉

姦臣聚斂

甚哉言利之難也宇文融以括戶入相配流道
 死韋堅鑿廣運潭封韋城縣男殺于臨封楊慎
 矜楊卿之子督責出納兄弟並誅王鉷大夫歲
 貢私帑禍且赤族當其誅求無名獻媚天子弘
 羊孔僅猶為計拙一旦竄死狼籍方恨搜括天
 地智者不為象齒焚身懷璧有罪以小况大可
 不懼哉融言利最先其得罪獨輕帝亦心念其
 才然衆怒不可使也堅以太子後宮之戚外有

幹名上牙盤歌得寶。巧幸無二。李林甫比之。卽
 林甫殺之。並寵生忌其勢。必然慎矜厭勝。禍及
 慎餘慎名。王鐸與邢緯蓄兵。鉞家連坐。兄弟同
 利。末亦同害。彼宗族榮寵處。非其據。豈足福乎。
 融敗于信安王禕。鉞敗于陳希烈。堅慎矜則皆
 林甫所殺也。鉞繇慎矜致貴。中逆附林甫。作飛
 牒陷覆其家。後五年。鉞亦族滅。慎矜之獄。盧鉉
 妄殺張瑄。瑄見崇粹死。天道出反。如嚮應聲。林
 甫日殺人。不聞逆凶。豈惡過物量造。物冥冥亦

無如何哉。堅等縱橫言利。皆祖宇文。公私騷然。
 海內集怨。林甫因人之讐。去已之疾。陰賊驚發。
 不遺餘力。鉞雖厚善。黨跡既露。卽推而遠之。不
 一引手。小人但能擠人于死。不能脫人于難。蓋
 善殺者其才止。殺者非其心也。且諸臣聚斂。咸
 筦財利之權。競作威福。世卽得指而斥之。其名
 穢其害烈。一入其中。沒世不出。林甫家富敵國。
 凡朝廷興利。敝民之舉。悉唯諾順成。而獨不顯。
 預其名利。則歸已。害則人任。此諸臣所以皆死。

于林甫也

楊氏之寵

壽王瑁。玄宗第十八子也。母武惠妃。頻產不育。瑁生。寧王養之。邸中。故封建獨晚。其妃楊氏。冊於開元二十三年之十二月。天寶四年八月。明皇納之宮中。天下亂。不可支矣。李林甫。國家之賊。相之十有九年。亂已有餘。又益之以貴妃。楊國忠。是速亂也。韓非有云。木雖蠹。無疾風。不折。牆雖隙。無大雨。不壞。明皇之相林甫。蠹木隙牆也。更寵貴妃。任國忠。則疾風大雨也。國忠飲酒

蒲博見擯宗黨發憤從軍張寬撻之無行若此
 豈有范睢摺折張儀掠笞之恥哉太真妃即貴
 寵乃其從祖妹夤緣親密驟進執政戚非觀津
 而賞愈成陽殉之以國不亡何待安祿山柳城
 賤胡又貶北當死帝違張九齡之言免其刑誅
 國法已謬忽引入宮中母事貴妃彼昏不知何
 至此極夫齊湛使士開握槊中宗為三思點籌
 此皆無道愚王甘居下流玄宗身定國難治成
 太平遽病狂易自亂帷牆遽條戚施為世僂笑

斯蓋天奪其魄人爽其常鳥獸為群則夷虜入
 室晚禍崇酷事應固然國忠與林甫祿山皆小
 人之雄氣類相求宜驩好無間乃林甫既死而
 誣之祿山將叛而激之中以危法幸其傾敗惟
 恐不及始信君子能用君子小人必不能容小
 人嫉妬其天性也漁陽變至帝下命親征制太
 子監國國忠恐懼令三夫人說貴妃銜土涕泣
 其事遂寢既疑哥舒翰趣之急戰潼關失守京
 師尚可無動忽唱幸蜀狼狽出走彼以為蜀固

史記二編 卷八
我家天子卽失長安楊氏姊妹兄弟猶歸故鄉
耳帝心亦幸有貴妃在流離一國尚樂可忘死
不意陳玄禮等之議其後也國忠避禍益急趨
死益蚤其臣生刺雄狐其君沒傷紫褥非此大
亂孰爲大哀嗚呼

安史之亂

安祿山史思明幼同鄉里思明除日生祿山歲
日生長相善並以驍勇聞後俱叛唐亂天下晚
遭子禍慶緒朝義甘心弑逆於是祿山腸流牀
上思明尸歸橐駝二賊少壯同事死禍不殊身
爲亂臣家有賊子可稱殷鑒祿山嬖段氏欲立
慶恩嚴莊李豬兒乃助慶緒殺之思明亦惑辛
氏愛朝清賂悅蔡文景卒說朝義爲亂周子俊
彎弓生擒縊于柳泉驛以彼天下之賊咸不能

割。嬖。妾。少。子。之。愛。謀。成。衽。席。劍。及。腹。背。屠。僂。慘。決。酷。於。市。朝。蓋。是。時。賊。勢。強。大。駭。駭。天。子。矣。驟。而。撲。之。兵。力。不。給。刃。發。其。家。翦。滅。始。速。且。安。史。賤。胡。負。國。恩。虐。海。內。卽。使。身。就。檻。車。頭。懸。闕。下。未。足。明。罪。莫。若。假。手。其。子。洞。腹。斷。體。宗。族。內。夷。然。後。王。師。繼。之。殲。無。遺。種。矣。王。莽。僭。位。數。殺。子。孫。其。太。子。臨。通。侍。者。原。碧。恐。事。泄。遂。謀。弑。莽。覺。而。自。殺。朱。溫。滅。唐。漁。色。不。厭。子。友。珪。使。馮。廷。諤。弑。之。寢。閣。繇。來。盜。魁。極。四。海。之。惡。必。罹。親。子。之。

患。蓋。其。人。爲。五。行。所。未。有。而。罰。亦。天。吏。所。不。及。也。玄。宗。晚。節。昏。回。開。門。揖。寇。過。非。一。端。其。臨。事。而。惑。者。尤。在。輕。戰。速。敗。無。故。出。奔。肅。宗。繼。統。失。策。更。多。不。先。取。范。陽。一。也。史。思。明。旣。降。假。以。威。權。許。叔。冀。狡。猾。不。徵。入。宿。衛。二。也。以。魚。朝。恩。監。九。節。度。之。師。三。也。三。大。失。可。以。亡。國。幸。而。有。功。者。亂。賊。運。盡。諸。將。協。心。豪。傑。馳。驅。于。下。中。主。受。成。于。上。郭。子。儀。李。光。弼。實。造。唐。室。君。何。力。焉。若。王。承。業。聽。張。通。幽。之。譖。而。喪。顏。杲。卿。賀。蘭。進。明。

史論二編 卷八 二十六
懼許叔冀之襲。而喪張巡許遠。遂使常山陷。而長安不保。睢陽破。而江淮幾震。縱賊之罪。等于降賊。惜不與達奚珣陳希烈等同誅也。

劉展之叛

肅宗立於患難之中。捍安史之亂。時天下正未寧也。卽其臣而叛者。若何滔亂于南充。王惟良亂於北庭。康楚元張維瑾亂于襄州。朱融亂於長塞。劉展亂於江淮。段子璋亂於梓州。王元振亂于絳州。紛紛者。史不勝書。然滔執楊齊魯。盧元裕平之。惟良謀作亂。李嗣業討之。楚元逐王政。稱南楚霸王。韋倫禽之。維瑾殺史翮。來瑱降之。融奉嗣岐王珍爲亂。邢濟告而誅之。子璋殺

號王巨稱梁王崔光遠斬之元振殺李國貞郭子儀戮之皆起亂旋定不勞大師若劉展逞亂朝廷莫制借兵平盧民受翦掠江淮間始重困矣劉展與李銑皆領淮西節度副使節度使王仲昇惡之先誅銑使監軍邢延恩并奏除展勢不兩下計必先發然展病剛強較銑貪暴罪少殊科徐爲之地可不戰而服也延恩密進詭謀展心懷疑激而決反以天子明威不能行之一臣顧暗之以官欺而執之又不密而敗速之反

闕詩惡讒人亂國春秋惡寺人滿師於多魚延恩均有焉天寶之季安祿山將反韋見素請除爲平章事召詣闕以賈循呂知誨楊光翽分領范陽平盧河東節度使玄宗將從之先遣輔璆琳往觀變璆琳受賂盛言祿山無二心事遂寢無何而反然璆琳以蔽祿山之惡成亂延恩又以發展之惡召亂中臣啣命緩急進退於國皆無濟也展兵橫行李峘退走李藏用責其不忠不勇竭力柵拒後得田神功銳師戰勝展敗渡

江○斬○於○賈○隱○林○是○役○也○神○功○之○勞○雖○多○其○先○完○
城○却○敵○功○惟○藏○用○事○定○之○後○牙○將○高○幹○誣○其○謀○
反○以○兵○襲○殺○之○崔○圓○不○問○反○爲○殺○孫○待○封○賞○有○
罪○而○誅○有○功○紀○綱○倒○置○莫○有○甚○於○斯○時○者○也○且○
河○東○軍○殺○鄧○景○山○而○推○辛○雲○京○鎮○西○北○庭○行○營○
兵○殺○荔○非○元○禮○而○推○白○孝○德○詔○無○不○從○藩○鎮○之○
禍○實○始○肅○宗○憂○國○者○奈○之○何○哉○

李輔國用事

上○皇○崩○於○神○龍○殿○蕃○官○務○面○割○耳○者○四○百○餘○人○
予○爲○泣○然○曰○夷○狄○知○禮○賢○於○肅○宗○遠○矣○肅○宗○不○
俟○父○命○卽○位○靈○武○謀○冊○后○立○太○子○不○能○一○日○待○
李○泌○固○諫○乃○止○終○非○帝○本○心○也○輔○國○窺○帝○所○欲○
惟○憚○憚○大○位○若○以○爲○上○皇○在○雖○父○子○異○宮○人○心○
未○深○相○屬○也○上○元○之○秋○矯○詔○迎○上○皇○遊○西○內○射○
生○官○遮○道○劫○遷○上○皇○驚○幾○墜○馬○入○甘○露○殿○執○高○
力○士○手○泣○曰○微○將○軍○且○爲○兵○死○鬼○自○古○臣○弑○君○

子弑父。豈必身執銳。瞋目語難哉。授意於人。而不正其討。春秋所以誅趙盾也。輔國假六軍將士之威。偏上皇如西內。高力士厲聲叱之。震懼失轡。及素服謁上。謝罪反勞苦之。稱社稷功。玉真公主及力士承恩等。上皇愛女舊侍。盡賜屏竄。謂上不與聞乎。弑其誰信之。且輔國閑廐小兒。役於王鉞。與禾豆隨事齷齪。不啖葷。詭爲遊屠行。其人至微淺。驟拔擢官僕射。惟所欲爲。至求宰相不敢辭。私語蕭華。令裴冕謝之。輔國怒。

華立罷度。非平日與陰謀。逆不恐怖。忌諱若此。隋煬能殺張衡。肅宗不斥誅輔國。煬帝勇肅宗弱也。張后比輔國。譖殺建寧王倓。謀遷上皇。罪當死。然晚隙輔國。召太子謀誅之。謂逼遷聖皇。罪大。太子泣不應。乃屬越王兗。王集甲士長生殿。事雖不成。其英武帝不及也。

罪大太子不...
 常...
 國...
 宗...
 不...
 不...

僕固懷恩之叛

懷恩拒命三年。再引胡寇。幾危唐室。鳴沙之死。人神痛疾。然觀見蹙中使。怨憤上書。自陳六罪。何其甚也。若固鐵勒部種。素不明忠義。一旦從令。公討賊闔門效順。生死立功。自謂再造唐社稷。雖有罪。子孫可十世宥也。辛雲京鎮撫河東。無秋毫功。輕與乖絕。駱奉僊載寶而還。證成反狀。彼進不敢見天子。退無以自明。則有起而為寇耳。回紇其婚姻也。吐蕃吐谷渾黨項奴刺之。

屬。可以。利。誘。也。叛。人。一。呼。百。萬。雲。集。令。非。子。儀。
以。計。離。之。挺。身。定。約。執。酒。酹。地。涇。陽。奉。天。非。唐。
有。矣。或。責。懷。恩。始。功。雲。中。身。爲。子。儀。裨。將。烈。士。
慕。義。何。所。不。勉。夫。罷。廢。而。不。怨。聞。難。而。卽。行。凡。
爲。所。難。爲。當。日。純。臣。獨。一。令。公。耳。賢。如。李。光。弼。
猶。擁。兵。徐。州。愧。恨。成。疾。况。懷。恩。乎。子。瑒。授。首。帝。
不。受。賀。懷。恩。有。母。輦。至。長。安。而。禮。之。史。言。帝。遇。
勞。臣。厚。矣。夫。懷。恩。距。躍。朔。方。敢。於。激。發。非。怨。帝。
寡。恩。也。功。罪。不。分。而。中。官。貴。人。齟。齬。其。間。則。鋌。

而。險。耳。懷。恩。望。帝。惟。在。因。循。帝。終。懷。恩。之。死。不。
言。其。反。雖。諱。懷。恩。亦。自。護。其。短。也。然。僕。固。族。死。
盤。屋。之。屯。駱。奉。仙。猶。在。兵。間。詩。云。讒。人。罔。極。有。
如。是。夫。

元載專權

元載既得志縱侈。上嘗因獨見深戒之。警然不
悛。客賦都盧尋橦篇。諷其危。載泣下而不知悟。
後竟賜死。妻子誅滅。李輔國妻。載宗女也。載初
附輔國。既盜斬輔國首臂於其第中。載亦與謀。
魚朝恩握神策重兵。視天子蔑如。載結其黨。周
皓皇甫湜縊殺禁內。以彼其才。令無贖貨以功。
名終亦唐疆力相也。載既惡兩國賊。取諸君側。
爲天下除大害。疑與禁密。貴人落落難近。顧揣

探深微。先得上意。往往賴中人。董秀力。豈帝性。寬慮豺虎。不慮蜂蠆。抑天子親信。左右臣載。雖才智不能無助。董秀小人。利載財。卽爲之使。深宮萬幾。其几闈肘腋間。日夜相嘗。無厭也。旣不峻法制。明與絕遠。得此失彼。何可勝道哉。代宗旣寤。先杖殺秀。後賜載死。天下稱斷。然載資秀淫汰。驕溢已十餘年。載孳孳聚斂。縱卓英倩等爲徑竇。一日縛致萬年縣鍾乳等物。籍入公府。無論身求速死。妻與三子一女。皆無有也。可謂

愚矣。然載貪人法。不應族。卽戮妻。祭祖宗。墟墓何罪之有。乃竟毀夷不貸也。是刑也。宜施之。安史而叢於載身。先正有言。疑朝恩之黨。爲之。豈其然乎。

史而... 吐蕃入寇

吐蕃入寇

天寶初。天子坐宮中。責將帥逐虜萬里。當日董延光悻悻。倖功石堡城。王忠嗣諫之。強爭之疾。至不欲以數萬人命易一官。仁人之言。誦之於今。然哥舒翰立功青海。高仙芝發奇策。入阿弩越城。小勃律王逃於石窟。即小挫傷。凡將士所斬逐。慮無不得志。肅代之際。吐蕃則破州陷城。無數。直度便橋。車駕出走。彼虜強弱。何常之有。中國盛則轉徙。而北中國衰則伺隙蹈瑕。聚眾

而○豨○突○爾○然○吐○蕃○盤○據○長○安○長○孫○全○緒○給○以○令
公○大○軍○至○擊○鼓○夜○呼○卷○衆○全○遁○僕○固○引○寇○再○逼
涇○陽○郭○子○儀○結○盟○回○紇○令○與○貳○卽○夜○引○去○虜○實
中○怯○無○能○爲○也○令○代○宗○當○時○毋○聽○程○元○振○言○輕
出○苑○門○京○師○必○完○語○云○截○趾○適○履○孰○云○其○愚○京
師○天○子○之○家○急○委○而○去○之○宗○廟○社○稷○子○孫○王○侯
士○庶○其○誰○歸○乎○賴○令○公○郤○敵○乘○輿○反○正○未○幾○聞
寇○魚○朝○恩○復○脅○幸○河○中○假○非○劉○給○事○亢○聲○責○止
代○宗○流○離○與○楚○靈○乾○谿○亦○何○以○異○自○古○宦○官○在
內○其○於○夷○狄○盜○賊○不○來○則○招○之○來○則○避○之○無○非
挾○天○子○以○自○全○而○闇○君○不○悟○也○曰○左○右○愛○我○其
不○欲○以○我○身○嘗○寇○也○嗚○呼○此○國○家○所○以○亂○亡○接
踵○也○

兩稅之弊

三。代。井。田。之。法。壞。于。商。鞅。以。其。隨。田。之。在。民。者。稅。之。而。不。問。多。寡。也。唐。租。庸。調。之。法。壞。于。楊。炎。以。其。隨。民。之。有。田。者。稅。之。而。不。視。中。下。也。然。定。稅。以。丁。者。難。考。定。稅。以。畝。者。易。覈。兩。稅。之。法。自。炎。創。之。遂。通。行。至。今。矣。唐。武。德。初。用。前。代。戶。調。法。制。每。丁。租。二。石。絹。二。丈。綿。三。兩。外。禁。毋。得。調。斂。此。租。庸。調。之。所。繇。始。也。既。定。均。田。賦。稅。法。民。有。田。則。有。租。租。言。以。公。田。假。人。耕。收。而。稅。其。租。

入也。有家則有調。調言據丁土所樹藝而調取之也。有身則有庸。庸言人出絹而當役庸直也。當是時也。財歸左藏。兵蓄府衛。官有定員。貢無加配。可不謂國家富庶。黎民蒙業哉。及玄宗倦勤。用度奢侈。楊慎矜。宇文融。王鉷等。爭以聚斂結主。始有額外進錢。兩京淪陷。肅宗卽位。籍江淮富商。稅鹽麻銅冶。鬻官勲爵。邑告身。度道士僧尼。費猶不給。大曆以來。地頭青苗諸錢。益紛紛矣。夫承平日久。則生齒盛而浮客多。于是有

宇文融之括田。版籍燬亡。則科征繁而名目衆。于是有楊炎之兩稅。融守高祖太宗之法。而務盡者也。炎變高祖太宗之法。而務簡者也。盡則民怨。簡則法行。是故惡融者目之爲逼。脅州縣妄增。迺羨于炎。則姑安焉。然初定兩稅時。諸郡邑獨取大曆十四年科率最多之數爲準。他備急供軍折估宣索諸名色。一之于兩稅。于爲賦已重。尋以軍興。貫加征二百。敕事畢。寧不罷。初計緡錢爲筭。納稅配

一疋。值錢三千二百。後物價益下。約
六百。輸一者過二。及度支以稅物頒諸司。又約
本價爲虛估。而謬以濫惡見効。督州縣剝徵。故
賦名不增於舊。而民困。又初敕兩稅外。加斂者
以枉法論。而朝廷宣索。若諸州上供。畢復賦諸
民。獨陽避微文。科役則廣其課。而狹償其庸。命
曰召顧。科配則精其入。而麤給其直。名曰和市。
比大曆之數。復倍。兩稅之病。不病于更法。而病
于加斂。卽災不死。亦莫可誰何也。

國朝以天下墾田。定天下賦稅。制猶兩稅。而度
越于唐者數焉。夏稅秋糧。歲有常額。非臨役興
而後度其數。賦于人也。隨田寬狹。取數多寡。非
以一年之科率最多者爲額也。額數具于黃籍。
總于戶部。期限責于藩服州縣。非別設兩稅使
總之也。戶編里甲。十年輪差。不役之絹。無有也。
法制善矣。而民重有憂。其惟在稅外乎。

裴延齡姦蠹

依古以來言利之臣。虛妄無能。莫裴延齡若也。獨德宗心好之。謂其好詆毀人。與親厚之。得聞臣下過失。史言帝摘發耳目。中朝士過從宰相者。金吾士必密啓飛白。惟帝以爲厚。一延齡愈於百金。吾士也。然左藏正物。移置別庫。詭號羨餘。申奏見物。謬云已棄。欲歸雜庫。長安咸陽。何所得。陂澤數百頃。同州一谷。又安有八十尺木數千株。此皆欺君之顯者。帝不一問。可哉。

末政嗜利。宇文融、王鉷、韋堅、楊慎矜之徒，競於後盡。貶死。劉晏領度支，有勞能。帝遣中使縊於忠州。世謂人臣好言利者，往往不得其死。延齡凶妄，倍諸臣。享年六十九，死牖下，幸矣。帝廼哀之深，如秦人之賦黃鳥。凡人情性必喜，所以德宗陰猜矜察。及臨事，無一能也。於延齡性近矣。宜其生相得死相思也。陽城爲諫官，飲酒不言。一日聞天子任裴延齡，逐陸贄、李充、張滂、李銍。卽帥拾遺王仲舒等伏延英門上書。張萬福、遍拜之。賀朝廷有直臣，當日忼慨，何異漢成帝時。朱雲上殿，請劔誅張禹哉。趙憬、贄所引也。李繁、泌子也。反眈眈爲延齡用，憬生愧友，繁死愧父。爲小人者，亦繁有徒乎。

吐蕃叛盟

吐蕃贊普棄宗弄讚死於唐高宗永徽元年。嫡子早歿。其孫立爲贊普。凡二十八年。至調露元年死。子器弩悉弄立。生八歲。至武后長安三年卒。子軍子棄隸贊立。生七歲。玄宗天寶十二載。乞黎蘇籠臘贊死。子挈悉籠臘贊立。至德宗卽位時。乞立贊爲贊普。貞元十三年死。子足之前立。貞元二十年死。其弟嗣立。至憲宗元和十二年死。可黎可足立。幾三十年。病不事。委任臣下。

不能抗中國邊候晏然死弟達磨嗣嗜
喜內凶懷少恩政益亂自是國中地震裂水泉
湧岷山崩洮水逆流三日鼠食稼人飢疫死鄯
郭間夜聞輦鼓聲武宗會昌二年死無子以妃
緜兄尚延力子乞離胡爲贊普始三歲妃共治
國大相不服於是論恐熱尚婢婢相攻而國亡
夫吐蕃之盛也國君長世務競雄譎卽七八歲
兒威能率謀夫虓帥剽陵中土其衰也至暗代
促異姓攘袂望如河隴高年解辯易服猶病未

能存亡之際可謂非天平乎然高宗武后時吐蕃
滅吐谷渾方國萬里數敗王師政盡出於欽陵
兄弟代德以來盜河湟薄王畿皆尚結贊等爲
之戎方號令稟受酋長國之強弱不視其君反
視大臣所從來矣開元初吐蕃請尋盟解琬泣
之未及盟虜將兵十萬寇臨洮攻蘭渭掠監馬
背惠食言其故智也德宗不察信張延賞而違
李晟平涼之會渾瑊幾不免自古懷諫之主未
有不愚者也韋臯招諭雲南吐蕃勢衰

史記二編
出鎮成都維州內屬其功畧等牛僧孺
還悉怛謀戮於境上棄中朝之舊墟絕遠人之
忠欵罪在百世且吐蕃當日論贊無人兵馬微
弱僧孺敢面謾天子盛陳氣勢恫喝必從懷盧
杞之不忠託荀吳之小信春秋惡佞人其是謂
乎

藩鎮連兵

藩鎮之禍始於肅代李懷玉殺王玄志之子而
立侯希逸肅宗不能討反順而命之軍士廢立
未有已也代宗之世諸鎮抗令其最反覆不臣
者莫若田承嗣朝奉恩獎暮尋干戈天子賞罰
不能自繇唯視其喜怒苟幸旦夕慈母護驕子
非獨秦養且倒授以柄德宗憤王之不綱奮發
一怒先試於劉文喜効亦小見然劉晏無罪而
死王武俊朱滔有平李惟岳功處置失

怨望。使叛臣舉兵有名。而連衡策進。于是始烈矣。嗚呼。田悅與李正已。李惟岳拒命。其重在外。王武俊既殺李惟岳。其重在內。重在外者。貴離賊勢。重在內者。貴服人心。德宗知皆不克也。梁崇義反。則遣李希烈。朱滔。王武俊。田悅。李納。俱稱王。則奉李希烈。希烈初平崇義。即驕倨自帝。天子四顧莫可爲使。不得已而徵涇原諸道兵救襄城。時所汲汲者。惟在討希烈。不意又有姚令言。出其間也。援兵五千。噪呼京闕。

志在求食。寧懷亂心。以靜鎮之。勢可無走。而禁旅分散。至尊出奔。令言非賊而成賊。長安有主。而無主。變起無名。難生倉卒。朱泚不從。車駕資以南面。李懷光解圍奉天。激而反戈。蓋長於養姦。而短於用忠。徒憂目前。而不思未雨。是以前卻未平。後釁復作。此備方殷。彼慮已失。奉天梁州之間。奔走不暇。安望寧宇哉。李抱真善結武俊。而朱滔走。李晟銳復長安。而朱泚誅。懷光盜死。功繇馬燧。希烈飲毒。謀出窘急。

社稷之靈。人臣之力。德宗何能。而不憐。盧杞保賊而不怒。大抵德宗生平。其所深惡者。止直言強諫。而大奸巨盜。皆非其讎。此所謂性乎亂者。亂亦隨之。大學言平天下。先正。好惡。非迂也。

佞文用事


新唐書言王叔文母死。匿不發。置酒翰林。裒金餉李忠言。俱文珍等大言無忌。從者竊耳語。母死已。梟留此。何爲其辭過甚。通鑑削而不錄。蓋從實也。王佞以書侍太子。闕冗蓬陋。楚語無大志。叔文班班能言。繇奕碁進。卽見敬。直易與爾。二人素微賤。所司不過伎藝卜祝之間。驟見幸太子。太子卽大位。病居深宮帷幄中。惟李忠言牛昭容左右侍。夫新天子方立。卽疾病不聽政。

大臣趨朝中外侍衛候音聲望顏色在朝之事
宮禁不知宮禁之言在朝不聞當其時何者爲
貴惟出入通言語者能禍福輕重人爾。伍素入
宮無間。叔文附之。託於昭容內豎。顧天下事惟
二三人出內之腐木爲柱。卑人爲主。負乘致寇
其勢固然。然二人卽貴幸。未敢輒自相。數月間
貶李實。召陸贄。陽城免進奉。蠲諸色。罷宮市。五
坊小兒。德宗秕政一朝反之。彼亦銳然任詡詡
爲伊周管葛復出也。夫小人易得者。勢難居者。

各。伍。文。素。無。行。能。握。權。柄。八。司。馬。文。章。名。人。願
爲。死。友。復。以。善。政。鼓。舞。中。外。跡。其。意。非。徒。席。勢
位。將。以。名。招。天。下。爲。不。拔。也。天。實。惡。之。欲。其。速
殞。上。皇。禪。位。相。繼。竄。死。宜。哉。韋。臯。遠。在。成。都。騰
表。宮。闕。請。誅。伍。文。裴。均。嚴。綬。繼。之。舉。朝。倚。以。爲
援。然。藩。鎮。逐。大。臣。之。漸。已。兆。於。此。讀。史。者。懷。隱
憂。焉。俱。文。珍。等。疾。叔。文。力。削。翰。林。職。名。王。伍。請
起。復。叔。文。三。上。不。報。託。風。疾。輿。歸。彼。所。恃。者。與
援。然。卒。去。之。者。中。人。也。順。宗。雖。疾。困。明。過。德。宗。

遠○甚○李○忠○言○新○用○事○勢○不○敵○俱○文○珍○劉○光○琦○薛○
盈○珍○等○任○使○舊○人○彼○根○抵○淺○又○以○貪○人○敗○類○易○
云○力○小○任○重○未○有○甚○此○者○也○

終



真和正成



